

淮海英靈集
五





淮海英靈集 五

阮元輯



中華書局



淮海英靈集

唐綏祖

字江都人。雍正元年。由舉人知河南封邱縣事。因事解任。開復。補虞城縣。遷歸德府。擢山東濟東

隆元年。疏言學政選拔生員。務選廩生文行兼優者充貢。不得委任教官。以開奔競。部議從之。三年。擢廣西按察使。署布政使。奏官員赴任禮數。請封。入巡撫本籍。交提督官授部。議允通行。七年。實授。九年。巡撫託庸奏綏祖擅動庫項。解任交巡撫督策。對簿。事告因公。並有先行奏明之案。疏聞。十一年。起為山東按察使。調浙江布政使。奏弛圍常米穀絲棉之禁。窮櫓民隱。體恤至周。浙人其便之。巡撫常安。誣奏綏祖徇私狀。上諭解任。交高斌察庭。斌以常安所奏全虛。請開復。起山東布政使。遷江西巡撫。奏建石閘于魏紫二河口。以資蓄洩。十四年。調撫湖北。署湖廣總督事。先後為督臣永興。布政使嚴瑞龍糾參。部議革職。恩旨錄用。擢山西按察使。晉布政使。十九年九月。卒於官。

東張平川中丞

凝香燕寢當年事。扶杖閒堂此日身。古井心源波不起。洪河飲戶興還新。鼓牀簫局貧來廢。畫簾牙籤老
去親。燕子自飛鶯自語。春風作意太愁人。

唐紹祖

字次衣。號改堂。江都人。康熙己丑進士。授編修。改刑部郎。出守湖州。再入刑部。監補學部。年老乞休

或戲習之。朗朗成誦。九歲縣試。有神童之稱。旋受知學使柴陽南公。吉水李公。入都門。相國納蘭伊公。延課其子。授經之暇。傍及書射。伊公曰。此真文武全才。勿徒以江南名士目之也。註御製詩。馬前呈獻。聖祖仁
皇帝諭旨。令南書房行走。會取官學教習第一。因就北闕試。戊子己丑。聯捷成進士。授翰林院庶吉士。雍正元
年。散館補編修。憲皇帝澄澈吏治。慎重刑獄。先生借補刑曹郎。推勘年汪兩案。悉當上意。在部九年。以才能
出守湖州。特賜奏摺。守湖十載。政聲洋溢。停徵一事。九切民瘼。姚世銓太守議。唐公多善政。第一是修徵。
其詩引述頗詳。乾隆元年。以部員內召。大臣以先生熟諳國家掌故。明於法律。薦充律例館纂修官。再入西曹。

唐補禮部。以年老乞休。先生之爲政也。存心愛物。不尚機切。官中義廉外。毫無羨財。猶時分俸以贍貧士。所培植者。多成英俊。武學廢弛。先生躬自誘射。擢高第者。指不勝屈。去任日。童叟攀轡。越十三年。先生卒。嗣之士民。相率來謁。哭奠者數十人。湖自六朝唐宋。領郡者代有其人。雍有初賢祠。以祀顏杜蘇王。湖人以先生配列。呼爲五賢祠。先生性孝悌。幼從父受書。兄弟六人。互相師友。雍正初元。同弟繼祖。官禁近。瀛臺館課。齊列高第。人多景慕。古文得於姜西溪。稱爲入室弟子。嘗受業同里汪舟次。汪臨終。屬誌墓石。時先生旅食京華。而先輩國士之目。不以名位有無爲輕重也。古今體詩。卓然中唐大家。年八十一。壽終於家。子三人。翰林。太學生。俱長於古文。思其季也。作令滇南。工詩。孫九人。克岐。華國。猶未脫諸生籍。應鍾。映星。蔭雄。皆業儒。曾孫煥。尙幼。

爲徐壇長題輩開先生卷後

作書雖小技。往往如其人。正真及斜曲。意態時逼真。先生鸞鶴姿。秀眉而長身。餘事劇工書。指臂如有神。甘受俗目嗤。吾非米董倫。世人皆米董。吾意獨鍾王。先生何也。古鼎色斑駁。老蛟皮鱗皴。逸氣自閒放。詣力彌深醇。執筆在心空。此妙何山臻。先生語紹祖。運筆之妙。全在心空。徐君出遺跡。肅如對冠巾。盥手爲摩挲。俯仰來悲辛。想常落紙時。舉體無纖塵。浮名攫世網。垂老成遺迹。與子共恩私。那禁清淚頻。至寶誠所就。此卷無重陳。

唐繼祖

字序皇。江都人。紹祖弟。康熙辛丑進士。翰林院庶吉士。

書李節母孫孺人狀後

浮江一馬笑當年。匝月圍城墮紙鸞。宗社豈關巾幗事。貞魂何意姓名傳。裏將恨血藏遺牒。攜得佳兒入九泉。老淚闌干多苦語。莫教空擬悼亡篇。歌吹風光競晚春。太平無復見遺民。誰將斷脰捐軀烈。話向膏肓耀首人。聖代不妨修棹楔。清門久已貢

絲綸長箋更剪溪藤續好遣轎軒次第陳

唐

字池染江都人改堂長子諸生究心音韻之學博習佛老填與雜家之言遊四方以方正廉潔著名年六十卒著有四書音辨數卷弟桂思輯其詩爲頤學編詩在一卷

冬夜書懷

永夜常趺坐虛齋絕點塵老微衣絮冷寒覺火爐親彈缺歌如舊登樓賦轉新漫云和璧貴鼠璞自稱珍

方

字近雯江都人康熙乙酉廬南巡召試已仕成進士官翰林院編修督學四川葦文翁講堂興起士習察使署布政使兼護兩浙鹽政總督彭城李敏達公薦可大用遷任西安布政使道病以疾聞詔馳歸賜參藥既卒贈太常寺正卿給卹金五百兩布喪仍賜祭葬著有石川詩鈔四卷

召伯埭上作

前年埭上望湖水白連天今年埭上望麥浪青無邊欲尋舊日買魚處田家便是打魚戶記得門前白板船藕花香裏人來去

江上曉望

山雨落紅葉水風吹白蘋滄波不可極秋氣浩無垠空碧一行雁釣船三兩人勞勞何事者卻擬問通津聞揚州新濬城濠寄故園兄弟

聞說城濠水今通揚子津湖平栽藥圃花罨釣魚綸畫舫春波闊紅橋夜月新簫聲隔楊柳誰與醉芳醇今年春僦居椿樹衙衙栽竹三竿翁然鬱茂京師地燥竹最難活大寒時尤易枯凍擬至冬作草屋

覆之。迄秋而余適遷去。恐後來者不知愛惜。因題詩三首于屋壁。
慈仁寺裏碧檀欒。三百青錢買一竿。幾費辛勤纔種得。雨防淹損日防乾。
曉窗微漾綠頗黎。翠葉鈿枝與屋齊。待得垂珠生練實。可能留著鳳凰棲。
冬來覆屋須遮雪。春到開窗要露風。轉向內園傳此法。平安須報鬪雞翁。

送孔明府赴西軍

廟堂抒密畫。絕幕掃妖氛。都護尊專閫。嫖姚勇冠軍。前驅張校尉。深入李將軍。壯騎龍驤奮。精兵鳥翼分。
河冰明鐵鎧。積雪耀朱幘。論谷量牛馬。排星起轡轡。種羊迷塞草。積粟上關雲。此舉非窮武。山來實救焚。
何因擒虎豹。終欲掘夔羆。錯節憐虞令。長才借寇君。待期官踏蹬。假縣事紛紛。輓運今方急。捐輸歲屢聞。
常時親畜牧。餘力課耕紃。坐待干戈息。還期戶口殷。雖周期遏莒。歌漢想潢汾。勉報龔黃績。毋貪衛霍勳。

蜀道雜題

大散關前下馬行。行人相顧色皆驚。心知蜀道如天險。纔試崎嶇第一程。
好峯無數不知名。過水穿林屈曲行。樹木漸多人漸少。兩山相喚畫眉聲。
五尺筇輿作臥遊。行人安穩勝扁舟。玻璃窗淨如江水。好看圖經到益州。
曉色瞳矓鶻亂鳴。嘉陵江口放船行。山容照水如新沐。盡挽烟鬟出霧明。

酒旗風漾水邊樓。樓外花飛逐水流。試問飛花隨淡水。東流何日到揚州。

山渝江還省聞家兄已下峽

老至畏長夜。況兼風雨聲。酒醒巴子國。秋盡錦官城。旅雁泊何處。浮雲任此生。叨榮知過分。不敢問歸程。

蔣繼軾

字蜀瞻。號西園。江都人。居邵伯鎮。康熙戊子舉人。癸巳進士。官翰林院編修。丁酉分校北闕。得士最盛。以憂歸。方正重于鄉里。喜汲引後學。所著有韻絲堂集。

秋懷八首集杜少陵秋興詩字

城上孤吟峯萬千。一聲紅豆白頭憐。相思碧水青山處。愁對金風玉露天。江漢烟波槎可問。蓬萊書信鳥曾傳。小樓明月沈沈夜。臥聽宮梧落枕邊。水氣雲陰靜晚秋。高城吟望卽滄洲。蘆花白處皆魚宅。楓葉紅邊有畫樓。波上不驚烟鳥宿。月中相對露蓮愁。請看漂落紅湖老。小向人閒一繫舟。鳳城烟樹碧森森。斜日高樓動晚吟。千里關山黃菊淚。幾聲猿鳥白雲心。靜看春浪還秋水。愁聽朝笳更暮砧。回望翠微新月上。飛飛繡羽入華林。問水看山日幾回。紅雲紫氣謫蓬萊。清霄露湧金莖直。御苑風高翠羽開。車馬遲迴心自省。功名冷落老相催。荻花秋月魚鱗晚。日望江南尺素來。日落西山水滿陂。千家刀尺起秋悲。虛傳織女機還在。聞道鯨魚石更移。高望孤城傷古堞。低垂老淚聽

新絲塞雲邊月愁歌處寂寞寒花三兩枝

原倡多述秦中事

石城西上暮雲斜千里南州對月華湖水夜明飛翠羽江樓風靜落紅牙瑤枝玉樹佳人曲畫閣珠簾帝

子家回首他年歌舞寂漂蕭孤荻宿魚樣

去秋客金陵像章因及之

珠樹瑤林秋氣高三峯雲闕望蕭蕭綠衣奉母虛長日白首隨班事聖朝池上素鷗思故侶烟中黃鵠入

青霄簾前燕子春吟在坐看寒楓冷菊凋

舟車南北似漂蓬金馬棲遲一老翁筆有江花凋晚歲扇餘班淚對秋風鳳凰抗羽青雲上鸚鵡傷心翠

閣中巫峽巫山千古在低回吟望幾人同

早夏憶維揚風物寄同會諸酒人四首

菱芽出水荻苗齊璧社湖連邵伯堤正是揚州春盡日流鶯啼過竹林西

落花風細柳吹綿夢裏紅橋載酒船鴨綠半篙新雨後鈎簾人詠點溪錢

有名芍藥趁花移翠笥朱櫻上市時春酒中人思解渴綠陰深院試槍旗

揚子橋邊新漲生焦公山下早潮平江風正暖鱗魚上最好移船就網烹

朱景字亦山號鹿坪江都人官湖廣安陸府同知工書著有鹿坪詩草

遊晉祠同夏濟民作

細細泉聲鳴屐下。涼雲一徑晴冰瀉。我來訪古覓桐封。道傍古木空祠舍。何年帝母居闕宮。珠璫翠羽含清容。頑寒老柏下塔立。蛟盤鵲峙紛擎空。娟娟新月澹將夕。半和殘雪封苔跡。未隨埋沒廢亭西。淋漓大筆文星石。平生好古搜祕奇。脫文椎紙燒松枝。世閒飛白在者少。見此額與昇仙碑。忽逢僧語憇禪榻。徐行引我登經閣。洞中花樹冬不凋。碧袈裟映紅芭蕉。與君竝坐品泉味。來朝馬上風蕭蕭。

次孫家灣

飄泊竟何似。春風班馬鳴。荒邨愁落日。獨客畏長征。土屋懸崖險。山田過水平。誰憐鄉路隔。去去向邊城。

宮夢仁

字崇襄。號定山。秦州人。偉鑠子。十歲能屬文。康熙己酉舉人。庚戌會試第一。官編修。改御史。疏數十

提學副使。累遷右副都御史。巡撫福建。有政聲。歸田後修先世春雨草堂。讀書自娛。著讀書紀數略二十卷。文苑英華選若干卷。續南宮舊德錄若干卷。

七夕文讌

天際涼風來。雲衣澹秋碧。迢迢望河漢。仙期度靈匹。烏啼欲驚林。螢點忽飄帙。薄帷鑒纖月。玉卮未盈魄。緬懷織山駕。仰睇瑤島跡。鸞梭織已停。初陳綺羅席。西園富才彥。出入金馬籍。相將凌黃鵠。乘時貴羽翼。上溯勳與華。下企臯與稷。邂逅契魚水。雨美豈終隔。高爨曠何許。良讌娛此夕。秉燭念攜手。庶幾長懽惜。

東征凱旋詩

變伐皇猷大。於昭聖武隆。妖氛清塞北。露布入關中。鞭掃烟波靜。戈橫鴈磧空。七旬來格命。六月奏膚功。

龍種新專閫。鷹揚副總戎。東方勞袞繡。南仲賦車攻。扶漢天潢最。平淮宰相同。上京歸汗馬。諸將盡飛熊。匪藉神威赫。誰收敵愾功。受降城再築。獻馘禮宜崇。鸞鳳銜書紫。櫻桃薦寢紅。勞師臨細柳。警蹕出新豐。鏡吹喧朱戟。旌旗落彩虹。鼙鳴千騎肅。鶴列五兵雄。苑裏花迎劍。天邊月抱弓。凱歌軍氣壯。溫語帝顏融。錦邑開周宴。汾河繼漢風。柱標青海峴。銘勒黑山璫。玉牒加封號。雲臺敕畫功。會將千羽舞。底貢萬邦通。清江送張友鴻滇中司理寄訊藩臬諸同人。

簫歌中流雜棹歌。仙郎擁傳下牂牁。百年詞賦題金馬。萬里風烟阻石螺。蠻俗古來多健訟。主恩天外待鳴珂。昆明戰伐今何似。寄語加餐老伏波。

宮懋讓 字著英。號江洲。泰州人。官山東諸城縣知縣。升德州知州。嘗錄鐵東瑣邪臺秦石刻。至今歸然。著有嘯月齋詩草一卷。

渡沂水

白日落沂水。欲去聊盤桓。秋風散蒸暑。凜凜生新寒。手中竹馬鞭。是昔青漁竿。臨流不垂釣。佇立興長歎。九日岳阜登高。過雲谿精舍。

志士感蕭晨。騷人愛素節。杖策事幽尋。溪迴路多折。捫蘿展遐眺。佳興登高發。山空鴈影沈。木落秋容潔。下臨古蘭若。花石轉幽絕。上人足名理。相對忘言說。一悟清淨因。永息馳驅轍。羊牛下前山。黯黯溪頭別。回首晚林鐘。疏烟淡微月。

大通阻風

天意阻歸程。狂飈挾雨聲。浪花噴樹濕。雲葉羃山平。鄉遠書難到。寒多夢不成。誰知羈旅恨。日日逐潮生。

宮懋德

字需風。秦州人。

雜詩

清秋好風日。虛牕無雜塵。瀟灑開奇懷。長吟暢閑身。時復弄琴書。轉于幽獨親。既適目前興。喜與先哲鄰。天地真悠然。假我以良辰。忘言意自得。庶幾無悶人。

宮懋教

字念劬。秦州人。

春感

竟把閒雲視此身。半生無夢逐京塵。病常謝後客常少。書到多時家已貧。衰鬢似星難諱老。愁心如草不逢春。欲將踪跡同支遁。豈隔恒河未有因。

宮翼宸

字雲雨。秦州人。夢仁孫。宜光祿寺典簿。著紀年詩一卷。紅椒山房集八卷。

先大人春雨草堂遺集編次初就感賦

先君昔未遇。苦心嗜文墨。清時抱利器。辛勤謁京國。十上九不第。風霜閱南北。冬烘說頭腦。鬚髮喜猶黑。俯仰天地中。知音信難得。把筆托於詩。用以舒鬱塞。春朝花滿箋。秋夜月盈幅。身名待圖棺。此志常悽惻。

俄焉臥漳濱。羸疾四來逼。參苓既無功。虛扁不得力。野曠何墳如。頓成君子息。宸方垂晷日。銜恩知罔極。家餘萬卷書。一字不堪食。稍長遊長安。操繩大匠側。折節學爲文。又吟仰前式。輪蹄秦賢閒。歲月去頃刻。終軍棄繯年。還鄉理耕植。檢點舊縑緇。裝潢倍整飭。塵蒙一束詩。青紅已剝色。嗟嗟父遺編。有子曾不識。欲開既悽愴。欲卷轉悲憤。重之等隋珠。封緘篋中匿。今者幸閒暇。編集心亟亟。中分五六卷。甲乙堪記憶。鈔愁蜀紙薄。裹畏吳綾仄。插架嫌蟲穿。束閣防蠹蝕。常歎庾子山。詞賦鉛華飾。五存而五亡。巧智不能測。思將付棗梨。庶不委荆棘。

宿遷懷古

官柳連雲水浸坡。蕭條舊跡重經過。烟生遠戍迷殘壘。日落寒城隱大河。騎擁暮雲看射鴈。鈴驅秋草聽鳴駝。古來白馬烏騅恨。雨雨銷沈奈若何。

寄懷閨雲蔚

浪藥浮花競鬪春。客中更憶素心人。一從夜雨吟寒燭。兩度秋風熟野尊。羈恨空連楓子鬼。旅爰莫問竹王神。崎嶇瘴癘天南路。可了青鞋布襪因。

同莊松峯吳卉長夜坐話昔遊

幸因趨事瑣園中。翦燭西窗得暫同。越國風烟懷雁蕩。蜀中花鳥說蠶叢。春來舊友晨星散。老去前塵俗

夢空安得年年塗蠟屐。鼓山常看海濤紅。

泊韓莊閘同柄和用寶叔向裴氏莊話舊韻。

猿鶴蕭條鎖舊庭。滄浪噩夢幾番醒。巴山夜雨船中話。潞浦秋聲枕上聽。往事隨波銷寂寞。新寒得酒慰飄零。三年重向韓莊泊。惟有湖光似舊青。

宮

離字柄和。秦州人。庚熙乙未進士。官中書舍人。

春雨草堂感舊

寥落雲山一塢深。先人卜築此園林。百年風節投閒地。十畝烟波退老心。香草美人空悵望。園有香草亭。美人之居。桃花流水漸銷沈。傷心遺跡無人問。一樹斜陽噪暮禽。

汪天與

字蒼亭。號畏齋。本歙人。移籍儀徵。官戶部山西司員外。刑部福建司郎中。極爲擅恭毅公所倚重。後以事罷歸。長齋幼工詩。兼善楷法。王文簡鶴尾續集。題五世讀香園云。前賢讀書處。五世尙名園。風雅持門戶。

也。可裝到子孫。爲畏齋作。著有沐青樓集七卷。

次韻奉酬梅雪坪洪鄉泉題六如居士漸江僧太函山圖見贈之作。

先人別墅白雲閒。竹徑松扉靜自關。作客十年勞夢作。誦君五字抵身還。圖傳妙手留遺篋。酒對良宵話故山。斗室自今聲價重。常教雙壁照人寰。原詩有才子時僧狂興在。好留雙壁在塵寰之句。

議濬保障湖

廣陵據天心。佳麗擅夙昔。寶帶河繞郭。蜀岡展其北。中開十里湖。一望涵空碧。所以鍾靈區。文采稱第一。嘗聞抵平山。揚舲競挂席。歲久長葑菱。於今苦壅塞。但許浴鳬鷺。扁舟不可刺。安得復舊觀。形勝敵當日。蒼五世讀書園畢。桂花初開。邀諸同人代簡。

蘭成小築俯蔥蘢。五世書聲欲比蹤。四面繞籬千箇竹。一山橫閣萬株松。新開未得三三徑。舊對還留六六峯。叢桂浮香連日好。敢憑詩酒寄疎慵。

汪淳修。字寶存。號默人。又號香谷。汪畏齋第五子也。宜湖北安陸府同知。署安陸府通判。汪川縣知縣。年八十餘。著蜀遊草一卷。霧隱山房詩集二卷。乾隆三十四年刊。

奉檄轉餉西川道上口占。

甫承新命郢中丞。又奉鈴符指大鵬。十萬軍儲催白羽。三千驛路到黃陵。梅開古渡逢人折。柳倚高樓待客登。豈川書生充伍隊。棧雲西去打包僧。

宜都縣

嘗聞蜀道難無比。楚道難於蜀道多。纔出甌亭三十里。已經七十二溪河。

郭法。字秋浦。江都人。康熙丁酉舉人。宜都縣知縣。

錫山舟中坐月

十里陂塘放晚舟。柳陰深處泥人留。一峯低影月方白。半榻生涼雲欲秋。竹笛弄風和露坐。茶瓶汲水帶

星浮詩情酒思誰能減似此風光未易酬

夏聞善

字大士高郵人

漢江晚眺

江勢約奇變。溟濛勢接天。日斜紅劈雨。雲淨水浮煙。塔幻孤青直。帆渾遠碧偏。炎燄浴秋氣。樹樹曳鳴蜩。

夏之芳

字荔園。號筠莊。高郵人。雍正癸卯進士。授編修。改監察御史。丙午巡中城。丁未巡臺灣。始兼興政。已掌河南道事。任滿復留。庚戌。巡太平倉。甲寅。巡山西。乙卯。以漕積舊。謫鐵綬歸。乾隆初元。起補浙江道御史。文。才氣橫溢。著有臺灣雜詠百韻一卷。四遊小乘一卷。乾隆甲寅。其曾孫長源重刻。

臺灣雜詠百韻

選二十首

紅毛百雉半頽垣。雙榜迷離海氣昏。共指賀蘭遺舊跡。戊樓空有夜啼猿。

郡治紅毛樓。與安平鎮紅毛城。對峙海上。乃黃岡所築。

深冬犯曉只春衣。芋蔗村村露未晞。到處青林閒綠野。海東風景覺全非。

弔古攀今孰請纓。功成襄壯令嚴明。笑他僞鎮稱神武。竊向潢池學弄兵。

施公堪。以昭臺有功。謚襄壯侯。僞鎮劉國軒屯兵於城北。名曰仁武鎮。斗六門。去竹腳寮二十餘里。爲生番隘口。其地有牛相觸山。

仄徑紆通斗六門。山牛遙觸壓荒村。晝開地險須重障。竹脚寮邊戍卒屯。

小番于髻上插雄毛洞鈴。以飾觀。每過一村。必用竹竿結綵。鳴金以迎。番男至十四五歲。即以竹籠其腰。束令極細。以便捷走。方能得端。

騶前赤紉揭雙竿。遠逐輜車夾道看。跳舞番童怪粧飾。銅鈴響處羽爲冠。

牢拴竹篾怕身肥。帶孔頻頻減舊圍。愛把細腰偕鳳卜。楚王宮裏夢雙飛。

既牽手。乃除去。

臂插文書任所之。飛行麻達好男兒。雙懸薩鼓聲聲應。贏得蠻娘競說奇。

番未娶者曰麻達。專遞公文。胸上多累銅釧。復製二鐵卷。如小荷葉

狀。名曰薩鼓。宜疾走時反擊胸背。與銅釧擊撞聲。番女聞而悅之。

番以善走爲雄。因繫紅布于竿上。令數十人于七八里外競走奪之。

小番鬪捷走如風。拓得圍場萬竹中。響急銅鈴疑陣馬。當先爭奪錦標紅。

番童有習紅毛字者。以鵝管蘸墨橫書。自左而右。謂之教册。凡一社

校童教册獨空羣。鵝管橫描鵝篆文。聽說紅毛舊時字。好將番籍紀紛紜。

老番年可七八十。能言僞鄉時事。每歎思鄉政之苦。番婦織布。以獨木廣五六尺者。虛

金梭輕擲夜深聞。獨木虛中杼柚分。織就天衣無殺縫。展毛五色達戈紋。

社皆有餉。每秋末則縣尹召令認餉。示以時應完納也。番音苦不可曉

秋盡官催認餉忙。一絲一粟儘輸將。最憐番俗須重譯。谿壑終疑飽社商。

番出應差。止以雙手出熟飯一塊。繫於腰間。鎖口疾飢止此。其實番

餐風宿露爲常官。宿食經旬一飯丸。多少豪民安飽甚。動云番性耐飢寒。

竹壘。八里益。皆社名也。干豆門。乃入雞籠淡水之總路。非近內山

北番風俗半傳聞。竹壘遙通八里盆。干豆門邊湖水闊。沃饒千里隔煙雲。

生番地界。傳其內有大湖。多膏腴之地。

內社諸番氣未馴。如魔如鬼獨稱神。楂打雞距工飛走。跳躍猿猱是比鄰。

北番種類各別。有雞距番。兩足多一指。向後如雞。距然。走穿樹木如飛。履平地則遠不及人。

荒墾攢來耦十千。紛紛竄籍占田閒。可知地利不須盡。生聚應思及百年。

半線以上。土番荒埔甚多。時議欲招人墾種。細察情形。宜聽土著之民。漸次開闢。不宜一時召墾。致地利盡而流民集也。

金湯永固藉雄兵。極北分屯淡水營。磺氣漸消田漸闢。料應添築海邊城。

淡水南北。地極曠遠。尚可增置縣邑。閩人輕憎粵人勤。墾置田園內外分。占籍莫嫌多客仔。曾殲朱祖作前軍。

各別。辛丑之變。兩不相容。朱一貴。原名朱祖。其前車爲粵人所覆。二林迤邐接三林。淡水濠洞鹹水深。極目滄波浮海市。一拳真欲笑蹄涔。

自北而南。沿諸港而行。海天空闊。視一溪一壑。眞治溪中之點塵也。觀音山徑幾灣環。羅漢門邊虎豹關。笑指當年空守戍。但知深谷有烏蠻。

而粵人不誠也。手刃番黎血尙腥。忙鑄肌骨作人形。遍身競賭人多少。方信常場孰慣經。

番每殺人。必于己身刺一人形。殺番則刺腰以下及兩足。殺漢人則刺腰以上及兩手。以人形多者爲雄。同社人俱不敢與抗。

爲憐淳悶尙艱鮮。食貨交通列市廛。最是居奇無賴子。勦將寬政作姦緣。

生番社無鹽布。每與熟番漢民互市。相沿既久。有土豪巧取重利以割番。名曰番割。因之引作姦。生番屢爲民害。

澤州道中

官程日夕傍山城。翠幃丹崖互送迎。地軸千盤疑浪蹙。天衣四合欲風生。唐民止解桑田急。儒吏曾聞鄉校成。攀起幃帷頻問訊。可能不負誦絃聲。

曉發壺關

盤馬大行嶺。孤城雲外懸。摩崖分地脊。疊屋架山肩。俯瞰初生日。高臨常面天。晴霞征縹渺。萬仞欲飛仙。贈朔平將軍

將軍偉跡起龍沙。細柳營門疊建牙。樓櫓舊澄江海月。旌旂新變塞庭花。風清玉帳紆裘帶。雲藹金城靜

鼓笳。宿將登壇威令肅。好憑謀畧壯天家。

夏廷英

字祁階。號伊園。高郵增生。鄂西林相國試揚州。以伊園爲第一人。同懷弟之蓉廷芝兩太史。皆所成就。遊京師。名公鉅爭以神交。性孤介。不諧于俗。深于宋儒之學。工詩。著有伊園詩存。高郵王文肅序之曰。古

篇學君子也。子元春刻之。

感懷十四韻

觀化苦不常。乘時恨不早。伏几事姬孔。丹鉛恣蒐討。時序觸幽襟。殷勤動懷抱。金甌拂秋曙。蕩漾秋原草。寒蟬靜林響。蟋蟀鳴堦好。仰觀檐楹花。燦燦含新葆。細雨湛芳蘂。低枝媚晴昊。蒂萼纔展舒。風霜旋潦倒。晨起秋花榮。夕起秋花稿。驚彼志士心。容顏難自保。菁華少年時。光陰惜如寶。常懷禹稷思。致世成熙皞。

忽及鬚眉蒼。壯志空浩浩。憂哉商山躅。採芝將終老。

寄五兄

慈親強飯能供膳。稚子恒飢尙抱書。我更一竿新製得。年荒學釣五湖魚。
荒涼三徑滿藤枝。老屋牆頽雨更危。歲歉人間無箇事。野菱飽後看陶詩。

夏之葵

字夫葵。號禮谷。高郵人。雍正丙午舉人。爲鹽城教諭。癸丑與弟廷芝。同登進士。乾隆丙辰。大司空孝憲徐公。以博鴻詞。考列二等。授檢討。入史館。丁巳內艱歸。庚申服闋赴補。甲子典試福建。還京放廣。八歲。卒于家。詩以杜韓歐三家爲宗。沈雄雅健。卓然大家。其門人會稽蕭敦和。撰墓志銘。謂其虛衷樂善。出平天性。於己不諱其所短。於人務盡其所長。著有半舫齋古文八卷。詩鈔二十卷。

孟城古蹟。晉鄉李北岳先生。有詠孟城古蹟詩。謂郵邑舊傳八景。率俚語耳。檢事之載在史冊者。甚爲知言。茲更加詳定。以俟來者。

頭陀寺。在北阿鎮。宋大明九年始建。齊建武中修。王簡栖製碑文。宋江湖長翁。有宿北阿詩云。詩應弔孝逸。碑或贊頭陀。卽此謂也。

散策臨下阿。古意時復動。近溪信盤紆。遙岡互迴從。野田雜樹多。高下攢蒼蒼。問知舊寺存。人代苦迷懵。
追緬始經營。規畫出蔡孔。宋會稽孔頭。濟陽蔡興宗。先後建堂室。江夏復繼之。巖窠翔蠨蛸。齊鄧川刺史江夏王。奉敕修。霞抽簡柄筆。爛漫倒金甌。英辭伏庾信。後步失江總。風雨閱齊梁。遺碑墮荒墟。象教旣淪歇。無由覲巖拱。始知鴻文垂。歷久自森聳。念此深旁皇。微鐘過殘歆。

天王寺吳道子畫。唐吳道子。觀音畫像。在今天王寺中。舊傳有竊負者。匿之舟中。至中流。雷電震爍。因復還其故處。

曹天藝絕精思貫元宰。畫壁如畫空。無處見圖押。自從奉詔敕。好絹未輒灑。人閒少留傳。臂等角中獬。古寺張素壁。大幅呈鬼磊。斷縑蓄真意。寧虛岑雁紉。誰爲臆篋謀。中流自惶駭。奔雷蹴高浪。試問所由乃。妙蹟信通神。觀者競填委。或言檀施久。不費萬金買。青紅終莫黯。字記開元在。夜半鎖匣深。猶能動光彩。

文游臺

上有四賢祠。祀宋眉山蘇公軾。寓賢王公羣。鄉賢秦公觀。孫公覺。

高臺涵孤清。城斜勢迴抱。其下明遠濤。其上耿寒照。當年三四公。風標各英峭。共歡林閒酌。亦振天邊嘯。留稱表遐聞。惜往動餘眺。秦蘇本談宕。孫王始同調。中閒異所挾。各是更相笑。齟齬起正直。楚越成困譙。他時空江上。辛苦欣共勞。乃知磊落人。晚益契淵妙。東山鬱岩巖。秋氣增愴慄。豈獨懷風流。庶亦感交道。

珠湖

卽號社湖。孫莘老讀書湖上。有珠光燭天。後爲龍岡閣學士。

百里走支祁。長湖勢多積。墮月搏冰胎。方諸秋淚滴。一朝成葆抱。萬古清暉逼。巨艘帆張揚。顰影動飛側。蜃龍不敢奪。況使緯蕭得。珠來澤多媚。珠去陂但碧。尙稽皇宋年。高賢此結宅。潛姿發英曜。遠射半天赤。我來尋軼事。人物兩無跡。所欣渺空闊。清光自蕩瀾。森森雲濤盤。到海惟一息。斷霞晚更明。放舵如貼席。

稽莊

宋道侍郞柳岳。如元乞封。高郵民殺之。卽莊官稽鎮也。後文信國過高郵。宿稽莊。贊設醴待之。道子德潤客林從學。送至海陵。得航海去。

有宋頽天綱。時勢方遒速。撫肌能慨慷。越在蟻蠹臣。侍郎從南來。手捧御敕新。煌煌大邦使。引首而容身。臣誠憤所切。無力排帝閭。起斷侍郎頭。疲恭聊一振。哀哉文丞相。隻手扶孤輪。流離出閒道。倉皇類驚塵。

一髮能幾何。顧欲繫千鈞。草堂燈火微。相視含酸辛。殷勤具舟楫。高誼凌秋旻。時危節乃見。草澤非無人。

英烈夫人墓。

南宋梁全。膽高郵叛。召官妓毛惜惜佐酒。惜惜曰。吾有死耳。不能爲反賊作酒。全贊之。事聞。贈英烈夫人。墓在南門子城內。

忠臣哀國恤。義士酬知己。有美伊何人。嶽嶽標令軌。昔奉將軍歡。從容佐厄匪。將軍乃宋臣。半壁謂可恃。胡然作反側。韓倫自頽圯。亂賊人共誅。千載貽詬詈。妾身猶鴻毛。妾命等螻蟻。鼎鑊固所甘。誰能穢青史。采葑亦采菲。下體慎勿以。榮名身後褒。過者慙且泚。丈夫生死閒。所求惟一是。蒙恥而偷存。瓦全何足齒。

讀魚川詩集。

李北岳先生著。

雙湖才子青蓮後。早入名山探二酉。解經不讓戴侍中。奪簪曾驚王祭酒。魚川書屋傍東臬。帶水盈盈蔭榆柳。上追雅頌逮莊騷。疏越朱絃常在手。白頭未奉一囊粟。骨骼權奇嗟老朽。耳官失職心通靈。鐫削牢籠窮萬有。先生病壁。益窮愁著書。漢魏作者久沈寂。入耳嘈囋鳴瓦缶。公以大力爲驅除。濯濯新茁去稂莠。大江以南聲增呶。俯視羣峯盡培塿。商邱中丞雅好士。鈴閣初聞召賓友。曰女今代文章家。語見本集。每爲當筵翦春韭。蘭若翡翠聚成帙。一鱗片甲光已剖。中丞刻江左十五子詩。至今寶惜逾拱壁。誰取相輕同覆瓿。吾鄉國士推秦郎。淮海遺編燦星斗。五百年中得替人。每對高風重回首。

蒲簾和孫蕤田作。

夜明挂珊瑚。雲母橫翠箔。士有豔俗心。豪華得和縛。我生守初服。蹇修愛恬泊。身外真奚須。隨處成闕落。

蒲簾漾局室。厥制殊清約。價雖遜湘筠。用可代汕幕。繩樞稱短長。風味殊不惡。光連霜月明。影對寒燈削。粵古高潔人。矢懷茹藜藿。誅茅謔漏痕。牽蘿補雲脚。有時甘緯蕭。亦或勤纖薄。遺躅伊可懷。緬此了無作。客有乘軒來。車馬何駢錯。欲入還踟躕。寒飈鎮蕭索。

書少陵詩集後

三閭老逐臣。江潭發孤詠。千秋杜少陵。攀駕兩輝映。上不忘至尊。下欲拯庶姓。漂泊干戈間。觸物寓比興。耿耿稷契懷。文字與志稱。所以萬丈光。歷劫不能竟。詩法啟後賢。任取無不應。肩牆看元白。涉樊得韓孟。派衍到西江。積漸歸苦硬。最下乃北地。衣冠以爲病。從來風雅宗。必具忠孝性。但向文字求。向山覓畦徑。

書昌黎詩集後

昌黎敍詩人。斷自陳子昂。感遇之再變。秋懷以成章。琴詩更淳古。與絃淡相忘。一閱李杜室。再短曹劉牆。肆力作奇怪。文雄力相當。此如扛龍文。勇不主故常。慨乎渾沌游。七日誰斲傷。巧思與神算。智力爭翱翔。巨靈壁華嶽。五丁開蜀疆。此意欲何問。眞宰方茫茫。

書東坡詩集後

楊錢振華藻。歐梅循本根。宋初風未開。蘇黃始高騫。黃如蟄蛟動。雲變雷亦奔。蘇如曜若華。跌落開天門。就中文物盛。蘇也道獨尊。泱泱楚風大。浩浩江湖吞。才高規矩脫。學富理蘊繁。觀其得意時。飛渡無轍痕。

一談與一笑。其人千載存。自夫嘉隆後。詩病深隔垣。壇坫迭衰盛。宛轉皆觸藩。誰爲瞑眩藥。足洗腸胃渾。公詩寫萬本。可與知者論。

射陽湖歌

淮陰之背廣陵北。中有長湖界天碧。茫茫巨浸五百里。島嶼烟雲弄佳色。伊昔廣陵王盛時。暇日梭射風雲馳。知衣虎士白羽箭。銳頭將軍金戟枝。君王一笑墮飛翼。坐號此地爲射陂。揮弓激矢事已矣。陵谷百變成推移。惟有射陽湖上水。灌溉陂田利無已。金支翠旗時出沒。江妃漢女何明美。濯足洞庭凌八荒。挂帆徑欲從茲始。

飢口行

孤村如荒墟。四圍皆積水。奉檄勘飢民。觸眼見瘡痍。里長呈戶冊。牽率來拜謁。穀糠几案前。扶掖不得起。逡巡入其室。破屋半傾圯。牀上飢兒啼。啾啾聲未已。瘦妻布裹頭。著脚無完履。冷曰蓄何物。云是蕨子。腐惡令人嘔。賴此得不死。誰云人命重。僅與螻螻比。聞之尙酸鼻。見者應額泚。

紀恩詩

時盛清
積欠。

物彩輝吳楚。星躔盼斗牛。軍儲資沃土。民力引泉流。此地官租盛。當年國計周。歲供惟取正。額賦必裁浮。穗結書頻上。徵輸數未酬。司農勸會計。天子切咨囑。瞻此東南賦。爲持七箸籌。澤鴻應有恤。社鼠豈容偷。

民吏須釐剔。逃亡合勘讐。輜車宜德意。星使聚郊陬。校冊清於水。披根朗若秋。三年周部屋。萬里裕徽猷。特旨飛綸綵。新恩速置郵。廿年舒限額。二鬴足春秋。奉旨均年帶微取次全忠愛。從容釋競綵。柴桑多好在。雞犬亦優游。暮雨江門榜。春風白下樓。麥花齊繡陌。烟水正盈眸。翠隴耕宜力。青畦耒竝修。呼嵩同忭舞。千載奠金甌。

御試山雞舞鏡得山字

靈禽振采出名山。異質爭傳五色斑。已向清風頻弄翮。更從明鏡一窺顏。梳翎自愛丰標迴。顧影還疑飲啄閒。色擬流黃同煜爚。文垂鷩綬共熒熒。花冠映麗紛攢簇。繡翼襍穠類轉圓。掩映雙看冰鑑合。空明對拂錦毛殷。欲揚還抑聯翩裏。似往仍迴轉側閒。豔逼畫屏金孔雀。光分青瑣玉連環。逐波鸕鷀浮沈見。偃岸芙蓉上下扳。斜展翠翹臨夕照。遙連暈扇動清班。宮櫻新啄流鶯度。禁柳深藏綵燕還。爭似山雞隨鏡舞。常依鵷序覲天關。

和昌黎石鼓歌

商周典禮可見者。存諸雅頌爲詩歌。王綱既微王澤降。載籍放失今如何。春蒐夏苗示簡閱。寓以神武期止戈。中興之功此爲烈。與日月光垂不磨。胡爲琢石棄諸野。不共吉日同駢羅。神劍破壁寶鼎沒。之罘秦望空嵯峨。自周迄唐一千歲。始經抉剔從山阿。昌黎一呼世尤震。陋儒大官遭斥呵。非秦李斯非宇文。亦

得據以驚外譌。悅如魯恭壞宅後。古文字出驚蟲蚪。古色粲粲蟠蒼虬。大聲淵淵聞靈鼉。文章道衰自東漢。春華炫耀無根柯。去經甚遠失機杼。別從組織求靈梭。嗟公好古獨不妄。手闢荆棘成委蛇。泐淮西功告萬世。事追皇始攀星娥。一朝砂石碎文字。坐令識者悲滂沱。是知俗學塞道路。謂疏越音爲不和。公從四門博士時。乃欲與俗除白科。請移石鼓入太學。比漢石經功孰多。緬懷隋氏失統馭。四海荆棘埋銅駝。神堯底定盛文物。園橋濟濟髦士過。先師先聖煥楹殿。太學立周公孔子廟始於此。於樂鼓鐘宏切磋。貞觀之中議釋奠。學海又始迴頽波。釋奠謂宜分獻始于此。謂宜雅化及三代。作人造士無偏頗。惜乎正學輟不講。制科以外無其他。高文奇字不寶貴。明經進士爭姁姁。倘從此請示風尚。表章法物交摩挲。庶幾刊僞返真樸。六經文字家吟哦。嗚乎成議格不用。空令筆陣排鸛鷺。歷宋元明卒大顯。神物守護豈不那。祇今屹立在兩序。經生就讀闕車軻。聖朝更彰樂育典。文治緯地江與河。清風有誦繼吉甫。俟之大雅毋蹉跎。

和東坡石鼓歌

宮曰磨蠍星紀丑。生同值此者二叟。文忠文筆踵乎韓。嬰蜺連卷龍蛇走。石鼓之歌尤奇絕。誦之萬遍沫流口。稱周功德誅暴秦。高文垂鑒千載後。識微鑒遠謀國心。不必卮言十之九。當其筆力縱壘時。角銳不數柳州柳。是時石鼓在太學。煥奎壁光連北斗。公來從政始謁廟。驚覩再拜肅兩肘。我觀宋道方甚盛。多士彙征雜苗莠。鄧令白眼噉世名。靜者辨姦不與友。一旦得志果狼戾。排斥歐呂忘乳敦。嗟哉變法竟雕

喪棄地他年紛螭蚪。公之賦詩未及此。遂已先幾思耆耆。周王中興任方召。撻伐戎夷應指嘅。遠經江漢張國威。城謝封中崇。鬯卣三復公詩念鼓鼙。真以箴頌寄曠暇。豈爲矜奇炫文字。梯危鑿險摹岫嵒。嗚呼有宋階亂誰。佐以惠卿後子厚。頌言鑄鼎象神姦。刻石大書記誰某。黨錮流傳漢與唐。宋季誅鋤古未有。石工不肯鑄安民。欲全廉恥甘鞭杻。彼當國者忍爲之。攫啡而噬桀之狗。司馬丞相三數公。維中及甫生。豈偶晨星落落在天下。遠近蒸黎盡翹首。譬如皇古法物在。飽蝕風霜終不捨。我生公後五百載。太室藏書恣攬取。今從辟雍拜且讀。快得爬梳淨無垢。金石詎可傲陵谷。斯文億世爲寶守。乃知大業亘宇宙。石載豐功寧或朽。吾儕但勤補衰職。莫慮千秋名不壽。

前與友人和韓蘇二公石鼓歌。今遊成均。意有所感。復和二首。

嗚呼萬物有顯晦。聽我重歌石鼓歌。賤埋菴壤貴瑤琨。世變浮雲經幾何。詩書乍冷祖龍焰。重瞳隆準紛干戈。陳倉古道多戰壘。此鼓何幸無滅磨。東京之世盛文物。鴻都虎觀羣英羅。會同攷古光聖籍。石經刻鑿何哉哉。是時石鼓宜顯出。胡乃棄擲空山阿。南浮五馬神州沒。僉不識字何足訶。僞劉小夫強解事。蒼姬乃以宇文譌。淩濂趣趣不可辨。奇古作匹孔壁蝌。我觀籀史出新意。勁氣直欲摧蛟鼉。胸之雅後詔來詰。森然一片琅玕柯。二千餘年迭興替。俯閱人代如奔梭。寢莎枕莽鬼物護。誰與捍讓和委蛇。韓公拔奇具深識。手扶雲漢披星娥。劫灰歷盡焰未滅。肯使至寶淪江沱。唐遷大梁宋舉北。從此得聆宮商和。更元

迄明逮今日。儼與鍾籥同其科。幽光縱萃色斑駁。屹立兩序觀者多。頓令芒寒五百字。不隨荆棘悲銅駝。伊昔崆峒留帝跡。峒山亦傳神禹過。穹碑崔嵬留至今。殘痕斷畫紛相磋。有如登山瞻太岳。又若入海窮滄波。臨平之鼓嶧山碣。縱復翕赫猶偏頗。拓本流傳動嗟賞。夙願已愜無餘他。後奔螭螭牙角在。陋彼俗揚徒娵娜。我皇稽古崇道術。臨雍講學躬摩挲。楊修嗜古事幽覽。張華博物工長哦。三希墨妙更精絕。體窮倒薤兼浮鷗。此時石鼓耀萬禩。元精耿耿王居那。況今下詔徵經學。賈孔竝載交軫軻。作人有道邁周京。圖成五老來游河。鼓兮有靈振聾聵。聿光文治無蹉跎。和韓

我遊成均立廡下。邂逅復遇燕門叟。自言壯歲入官學。索索小巫同下走。有文空慚扛鼎力。欲辨更快懸河口。緬此法物列兩楹。頌聲鳧鐘相先後。昔時昇致孔廟中。十鼓初僅得其九。偶偕春白散復聯。字句未殘鱗貫柳。歲久只今出芒角。煥發猶堪麗星斗。涓涓壁水流其根。鬱鬱枯藤枕其肘。國家設立大司成。宜植嘉禾去駢莠。模今範古事追琢。玉振金聲藉師友。自來博士傳遺經。不棄鬚岑及馬款。閒憑石室啟琅函。亦從古壁摩科斗。頗見臯比沿故事。自詡官階推宿耆。升堂講學無根源。拱聽諸生爭指嘅。獎借紛紛逮燕石。拂拭往往遺商卣。每逢釋菜入宮牆。徒聽資鏞奏膝臯。尋源既已昧宛委。探義無復窮岫嶽。深衣大老皆衡儒。兩目昏眵愧顏厚。白沙在泥與俱黑。欲問薪傳竟誰某。我聆此語重歎息。何代人材竟蔑有。古稱養士在太學。南山之栲北山杻。詩采雅頌鑒興亡。禮肅籩簠豈芻狗。西膠東序列鐘鼓。昔人作事原

非偶。曾聞孫敬日編蒲。亦有朱雲能抗首。古文徑須安國傳。寶物寧遭季倫掊。倘安牆面不解慚。雖過橋門亦奚取。古訓未數當有歸。良玉待買先去垢。周情孔思浩無涯。尺組寸璣難自守。君不見韓蘇兩公作此詩。勁筆凌雲拉枯朽。休明鼓吹誰嗣音。上之彤廷歌曼壽。蘇和

試院中秋

畫堂十丈清輝發。遠見東山湧銀闕。白毫耿耿落階除。過眼秋風自飄瞥。春蠶食葉故有聲。戰蜩橫戈今未歇。漏移樓角漸消沈。燈漾風帘半明滅。我昔詞場三戰北。青衫淚滴猶餘血。深滋兀傲憐孤熊。肯使霜蹄困顛厥。開樽不飲聊自語。對景有懷思轉結。願借銀河千斛水。洗我眼作光明月。

史總戎署中觀小鱷魚

長弓響落朱海涯。百怪消縮澄玻璃。將軍馬上五色旗。雙眉未豎威風馳。老鱷遁走留其雌。大杵得得春爲鑿。遺雛殼觫緣叮咤。得而腊之懸庭楣。韓公精誠通神祇。豈在羊豕投寒溪。遷雄詰曲多奧辭。累簡不足欺鱗鯢。

大宛來歌

古大宛國。即今哈薩克也。天威所加。遣使獻名馬。表請內附。視漢代蒲梢之味。爲尤烈矣。敬作歌以紀其盛。

鉤陳萬里揚天威。仁風義氣隨六師。有窮髮者自稽顙。大武不用兵力爲。昔聞其名今僕妾。遐哉古之大宛國。戈鋌不爲遠物勤。坐見蒲梢下西極。天驥真駒雄八荒。嗟爾豈得誇乘黃。軍前駱駝行前漿。蒲萄苜

稽隨以將。聊用藉手荅聖皇。騰驤磊落千匹強。超軼朔漠瞻天光。伊昔當年漢武帝。天馬迢遙金馬碎。使者遮關又幾時。貳師功業何憔悴。聖朝特示羈縻意。不重來琛重歸義。休陳漢代郊祀歌。直是周家越裳雉。機槍掃盪恩德宣。雕題繫齒爭後先。豎將銅柱全收地。屈指樓蘭首可傳。

夏廷芝

號鶴門。高郵人。雍正乙卯。與兄之馨。同登進士。改庶常。授編修。轉侍講。提督山西學政。辛未年卒。

書台州司馬成公康保崇祀錄後

霓裳聽徹大羅天。經術爭傳漢瑒賢。判事彰毫薇省重。搜才瑤網晉陽懸。忽看周璟題輿日。恰似龐公展驢年。寒石臨江留蔭遠。清風長共水濺濺。

赤城縹緲拂靈旗。不數桐鄉報德時。遺愛竝傳司戶宅。豐碑還埒長官祠。陳長官五代時人。有馨椒酒春秋列。勿拜

棠陰父老思。千載檣溪長澄澈。臣心當日畏人知。

夏曉春

字南指。號鶴泉。高郵人。之馨子。乾隆庚午舉人。官山東滋陽縣。曹縣知縣。署曲阜縣。曹州同知。寬租訓。懲猾吏。開曲阜春亭等社水利。別清弊。頗著聲望。甲午。以父母年並入旬。告養歸卒。鶴泉少穎敏。

文舉冠儔輩。聚於詩。落筆千言。有潮海之觀。子味堂。手錄鶴泉詩鈔二卷。寄選。亦克家之子也。

北阿晉太元中。謝元敗秦兵於三阿。唐光宅中。李敬業取潤州。屯兵下阿溪。卽今北阿鎮地。

北阿名所傳。本自戰伐餘。稍記太元歲。復歎光宅初。義旗非無名。危祚切所扶。云何營窟穴。戀棧失遠圖。永寧山東望。飯麥兵仲鋤。迴軍七千級。於此血滿渠。馬腹誇往智。烏噪悲亡符。赫山一潛遁。海上傳囚俘。

同時楊初成。秉節毅且孤。房州縱未還。精誠諒難渝。風生草檄處。零落悲須臾。煌煌紫陽筆。起兵仍大書。

天祐府

張士誠初據高郵。僭稱周天祐府。故有天祐府。明平吳後即毀之。

江淮久安居。尙論增威喟。孫楊昔攻奪。此州轉相替。小大自侯王。兵甲裹精銳。誰從至正末。草澤盜名字。建府羅旌旄。揭竿恣睥睨。輟耕志寧遠。么麼遂時會。父老誇夥頄。割據帶形勢。豈知燭火光。滅不待終歲。宮牆故礎消。榛蕪悉燒薶。遺場白駒近。指點空僚戾。向來負與販。生活亦自計。飢寒苟無門。莫道甚微細。

嵇莊

宋遺侍郎柳岳。如元乞封。至高郵。莊官嵇覽殺之。後文信國過嵇莊。設醴以符。遣子德潤客林從學。送至海陵。得航海去。

臯亭論激石相亡。謬言譬備連淮揚。濶州東蔽蛟蜃氣。慘羹蕢荷飢踉蹌。設醴相待者誰子。草堂竟夜聯繩牀。傾懷慕義到骨肉。海陵一別飛孤航。海上精忠薄星日。未僚同志扶頽綱。君不見銜冠頭斷柳侍郎。憤勇競說嵇家莊。

鵲華烟雨

萬古青如此。遙遙望鵲華。烟迷神女石。雨暗赤松家。峭壁盤龍脊。危峯立虎牙。尹邢雙獻媚。評罵未曾差。

柳城道中

去寶邑五里。卽李白馬上聞鶯處。

蕭蕭衰柳環爲城。樹頭斷續寒鶉聲。惆悵西風送落日。蒲帆百幅濤花迎。我之寶應聊一經。晚陰漠漠秋雲平。眼前烟景憶李白。何必馬上聞啼鶯。

大水七歌

黃河之水天上來。水由故道無舛乖。天吳作祟條奪溜。河南兩縣當其災。儀封考城兩縣。河決被侵。朝廷金錢發百萬。急懸民困歡聲騰。薪柴槌石兌他邑。及時堵禦良難哉。長波不向清口走。直頭洪澤無津涯。嗚呼一歌兮。河口決。城門有火池魚滅。

高堰匍匐皆過水。周橋五塌虛設耳。衝波下及高郵湖。三十六澤滄海似。雲霾雨打地軸翻。浩蕩欲與天門連。湖畔危堤只一綫。河西編戶河東遷。官河水勢高兩丈。羊頭磬石聲聞闐。嗚呼二歌兮。河水滿。再增恐沒城三版。

城池保障怕冲溢。治河大吏羽書疾。撥民一日三壩開。謂五里壩。車。避壩。新壩。最遲中壩猶連掘。建瓴一瀉千梭穿。下河廬室漂如甌。連阡晚稼無半粒。水頭依舊高噴舳。嗚呼三歌兮。水不涸。何時得遂安瀾樂。

范公堤西勢紆折。江湖逆漲喉難咽。決口那堪三百丈。奔瀧南下無休輟。無風晴日猶和融。有風婦孺驚惶惶。蒼天幸不絕人命。怒號萬竅唯南東。重九已過忽西暴。蚩尤殘酷偕豐隆。初十日四風大作。雷亦不絕。嗚呼四歌兮。風不止。高軒如坐愁城裏。

姚關羅壩忽決開。湖中之水騰騰來。金門一閉工最險。時有滲漏侵官街。俄聞杭家嘴已倒。內隄如帶非離堆。萬家壩。與金。門關對工。官符振春陳壩上。萬築登登親度相。鄉老糾夫夫不齊。無計身投魚腹葬。南門鄉約王某。因倉卒開壩。

夫不至。西門東門久不開。水關緊塞重圍障。嗚呼五歌兮官役勞。瓠子未塞終滔滔。

投河死。

長官屬念負郭民。沙壩不開水長屯。餘波反汙到書屋。

余家後河水漲。已至梅花書屋牆根矣。

枯池三尺波生紋。

池中水久涸。今忽得三尺許。

與河面平。

通湖橋頭溜復急。年深直恐橋傾覆。水如灌頂將奈何。縱有危樓勢不敵。嗚呼六歌兮杞人憂陰

雨未至先綢繆。

父母八十筋力疲。掩耳不及危難持。女嬰延請入城內。雙輿安穩登平達。骨肉相依十二口。阿女趨向伊家走。季媳攜兒歸阿娘。如身脫械手脫桎。分人寄食待安排。暫息心魂慰老朽。嗚呼七歌兮各僑居。燕雀處堂聊自娛。

張師孟

字象巖。江都人。好謔與里人號爲長舌。著有詩集。

宿焦山與笠上人房

薄暮登山寺。禪房半掩扉。鳥栖新月落。風急晚潮歸。水族深潭隱。漁燈遠岸微。江空鐘磬靜。塵夢夜來希。

姚

恭 字穆集。江都人。

遊狼山

樓榭結山腰。行行一徑遙。空籠僧語寂。古木夏陰彫。雨過泉通寺。風迴海落潮。振衣凌絕巘。明月更相招。

顧不疑

字卓如。號懶。儀徵人。

爲黃銓部題黃雪山房

聞卜園林汶水陽。槿籬新插閒垂楊。和雲移石偏憐瘦。帶雨栽花不斷香。曲折樓臺多入畫。商量竹樹要成行。烏皮几淨明窗下。酒滿蘭檉書滿牀。

汪

昇 字文山。泰州人。

寄懷俞棠邨姑蘇

鴈聲遙落水雲鄉。此日懷君道路長。何處青旗沾酒店。誰家紅袖校書堂。醉沈簾外三更月。夢破階前五夜霜。莫忘故人情悵惘。早梅須寄一枝香。

錢青選

字漢儀。號大樽。泰州人。

春郊遊望

野岸風微日半曛。江梅江柳鬪繽紛。花扶綺轂迷紅袖。酒倚金樽泥翠裙。水郭漲添新霽雨。山家路轉欲生雲。春光到處句留著。薄暮流鶯樹樹聞。

馬

星 字高陵。江都人。

午日讌集讀書堂

長將口腹累吾曹。佳節排常笑老饕。欲鬪吟腰誰我健。何妨冷眼向人高。半瓶白釀春無價。一枕黃粱夢

亦勞。記得去年常此日。冰鵝雪鮮費金刀。

團

本名鴻雲。字雲蔚。儀徵人。廬貢生。著有斜光草堂詩。天放草堂集。

和潘雪帆留別韻

相逢正值菊開時。孤詠淒涼事可悲。風木臯魚空有淚。參商杜甫更留詩。極天關塞孤帆影。捲地烟花兩鬢絲。懷袖三年書不滅。下言離別上相思。

平原覽古

路入平原思渺然。四君聲蹟至今傳。處囊上客尊毛遂。蹈海高風得魯連。如許頭顱操一硯。向誰肝膽弔千年。賈漿飲博人安在。日落荒城起暮烟。

登文游臺

蕪城北去有高臺。學士風流總劫灰。但有王秦通雅會。何須賈定識雄才。川原落日牛羊下。詞賦清秋烏雀哀。我羨師生衣鉢近。平山相望鬱崔嵬。

淮海英靈集

范國祿字汝受。號十山。通州學生員。踰跡半天下。卒於康熙丙子。年七十四。韓蘄廬宗伯奏。爲志其墓。稱其推
後歸。破產蕩資弗惜也。所著有十山稊詩。綴香集。掃雪集。聽
齋集。江湖遊集。賦玉詞。古學一斑。今僅見抄本七言古一册。

汪舍人懋麟招同程遂孫枝蔚鄧漢儀宗元鼎陶澍王賓華袁泛舟登平山堂

積雨牀頭淪至尺。客子飢驅門不出。西山爽氣拭明眸。欲往從之徒歎息。侵晨折簡來相招。舍人兄弟與
會高。一時把臂盡名士。擎舟泛水沿城濠。園亭歷徧尋紅橋。柳堤曲曲風搖搖。到山不過四五里。就水取
便三易舫。青松夾道緣深徑。周迴卻與坡陀稱。遠岡更遞晴景來。樓閣疊飛互相映。置身其上天亦低。川
原野盡爽列眉。城郭人煙俯一髮。江山文物爭陸離。雞臺瑩苑久已圯。芍藥辛夷抱芳死。寂寞隋唐幾輩
人。廿四橋邊呼不起。太平遺跡溯歐蘇。疇其嗣者金大夫。鋪陳揚厲屬能事。舍人曠識歸吾徒。笑談竝叶
滄洲趣。偶爾壺觴託良聚。名勝場中思盡情。願疏邗水通山路。更願自昔遊覽人。人雖往矣文章存。勒之
石上嵌四壁。龍蛇飛動光芒新。噫嘻舍人腸似雪。我聞此語心懨懨。彼二文忠果有知。肯使經營費周折。
舉杯酌酒向夕陽。鳥啼不歇泉發香。還載二分明月去。山高水遠風流長。

弔鶴

金風颯颯秋林端。月光倒映紅闌干。當時毛羽化空碧。夢冷青田雲影寒。水波不動芙蓉老。離離兔絲變白草。荒煙零露滿殘塍。空外聞聲天欲曉。直是凌霄一片心。遼陽去後無回音。主人已向巔山頂。華表何時下五更。

范

字彥夫。通州人。國祿子。有一陶園存今詩一卷。

偕陳其年孫豹人兩先生遊西山

憑高萬象親。嵐光在衣櫛。古樹插雲根。幽崖陰翠結。修竹路盤盤。秋香清泄泄。林疎晝自風。瀑碎晴飛雪。深入一松關。境竊徑復別。古殿佛火明。烏情解禪悅。時從泉側聽。涓涓幽且冽。或從嶺下看。細語聞切切。山空雲物淨。俯界景明滅。誰能滌塵心。靜領應慚熱。

巴陵軍中奏捷贈桑軍門

烽煙望裏一時空。總是將軍不戰功。自笑書生看破敵。更誇公子亦從戎。謂若士旄頭夜動霜花白。鼓角寒吹哨火紅。北闕神威行萬里。勳名不數霍家雄。

范廷瓚

字汝聲。一字獻重。號汎槎。如皋人。著有六鶴齋集。吳吟。竹西詠。滬莊集。

經西洞庭

湖澈波光隱畫圖。登峯覽勝上籃輿。龍吟古鉢依僧榻。鳥篆空崖學禹書。橘柚千家霜後熟。煙蕪數點雨

中疎耽幽何處成嘉遯。笠澤春風好結廬。

春日訪吳藁仙女師步繡霞堂原韻

露泣名花初出浴。麤蕤弱柳垂新綠。藁宮仙子絳霞裳。婀娜連蜺映修竹。瑣窗寂寂倚闌干。手染吳綾脂水寒。寥天煙霧迷香閣。目送飛鴻心杳然。相逢恰在題詩處。落紅無限空歸去。姑射仙人冰雪姿。借問前身知不知。

弔史閣部墓

丞相墳高古木平。蕪城夕照暮煙生。兩朝未奏孤臣績。四鎮空標上將名。豐草橫碑蒼蘚合。長林挂劍白雲輕。傷心莫問邗溝水。過客愁聽鳴咽聲。

范徵書

字春庭。號左琴。如皋人。獻重元孫。有亡餘小草。

桃本梅花

根本天桃葉放梅。春心巧奪匠心裁。孤山肯學啼紅怨。薄命偏饒傲雪才。欲借絳丹輕換骨。仍然香玉自含胎。劉郎誤入仙源路。翻作羅浮一夢回。

許納陞

字元錫。如皋人。

憶江南兼寄范獻重

館娃宮樹鎖荒原。歌舞曾經勝事繁。倚杖卻尋殘碣苑。攜觴聊醉落花村。鷓鴣夜雨千山夢。杜宇春風萬里魂。十五年來成往事。那堪劫後更重論。

鴛鴦塘

廣陵四十里。舊說鴛鴦塘。惹得采蓮女。低頭空自傷。

范

茶號石湖。北湖。以君子也。博學多聞。以教授自給。生徒列科第者多甚。戒之不許言師名。郭嗣始從范。范與論經史。繼言詩古文詞。月餘。乃以王盟之時。交藥摺之。曰。子可以時文名家。成名進士。他并所知。嗣

歸既成進士。稍稍以詩名。高郵王十年見其詩。輒聽許可。未舉一詩。有閒時坐晚晴之句。子年品首曰。半字。倘有詩意。則茶所易也。郭由是不復言詩。亦不自識。惟不言師名。避風戒也。茶唐陸采年卒。病中自題墓碣曰。石湖。今之。

和周儀一都門留別

秋風喜著遂初衣。忍使林泉夙願違。賸有閒身宜白屋。憑教清夢到黃扉。甫離冀北方言別。一入淮南便
是歸。酒社詩壇猶未冷。可隨征雁又高飛。
六朝名輩舊曾遊。風景當年南兖州。山色過江添好詠。水聲到海咽新秋。客如投分逢青眼。人但多情易
白頭。爾我清貧同骨相。相從莫漫話封侯。

九日賈元卿邀同人賞菊分賦

高館張燈夜色清。金風吹月入前楹。一庭冷韻浮花氣。千載名心付酒觥。何必登臨循故事。且隨吟嘯寄

幽情重來記取陶家徑。竹塢深深短檻迎。

郭彭齡

字南山。江都人。康熙甲午舉人。與兄淵齡同以文名。

有懷花月墅

墅在揚州北城之紅橋。昔余讀書其中。

孤館風清午夢遙。關心舊侶住紅橋。長隄插柳春維艫。小閣分燈夜聽簫。花月幾年人淡宕。江湖千里客蕭條。何時更向郊原路。竹杖紗巾挂酒瓢。

張

琴。字桐君。號鶴船。通州人。著有漁村社藥。

月夜懷宮霜橋山陽

酒醒涼月上。燈閃夜光初。木葉下庭戶。蕭蕭山雨如。故人常在夢。北雁竟無書。重檢寒窗句。相思少慰予。夜至東塔寺

水閣分山寺。臨窗繞碧溪。夜深孤艇入。雪滿一橋迷。鐘響驚僧臥。人來伴鳥棲。開門尋舊榻。煨火向招提。

高

卓。字凡夫。江都生員。有際堂詩集。

入塞曲

出關知不返。何幸大刀頭。馬厭黃沙月。人還白髮秋。妻孥疑是夢。鄉里問封侯。生入真難得。書生筆漫投。

袁

洋。字崑西。號方山。通州庠生。

病起。易實前一日作。四首之一。

厭卻匡牀臥。起來強自支。風搖窗上紙。蟲碎壁間詩。塵氣蒙書几。蛛絲網硯池。凭欄聊徙倚。拭目看雲遲。

焦

字效朱。號定齋。江都人。居黃莊橋。康熙辛卯武舉人。與元祖爲同年。壬辰成進士。官石匣中營守備。擢

著定齋詩。草一卷。

古北口

潮河關塞險。彌望諜樓連。地壓黃花鎮。雲歸白馬川。當年飛鐵甲。此日靜烽煙。扞衛臣何事。囊弓課力田。同年阮琢菴。初官侍衛。作此賀之。

執戟衛承明。公眞繼步兵。緹衣參仗立。劍佩和鐘鳴。才稱羽林職。聲馳飛騎營。封侯堪自信。何必擬班生。習射同鄉井。我今愧不如。須眉猶李蔡。矢繳異蒲且。峻嶺雲生處。長楸月上餘。曾尋杯酒樂。舞劍上輕車。修黃莊橋落成。

吾鄉水之涓。延袤不數里。有橋鎮其南。鑄隘截湖水。堤西一澗通。堤東片帆起。夕陽蒼鷺時。儼然圖畫裏。溽暑雨滂沱。新漲無涯涘。村村柳鰲船。良田躍鱗鯉。前夕風濤生。橋柱遽傾毀。敢辭舂揭勞。咫尺隔村市。聚工兩月餘。橋成一何綺。同是太平民。衆力齊如此。久無胥隸呼。旨酒樂君子。

閔廷容

字裕衆。號改亭。江都生員。年八十卒。

汪樽亭以絮被見貽附以二絕作詩奉謝

獨擁寒衾意更親。一冬僵臥老來貧。語君莫比汀洲鷺。猶有蘆花可蔽身。來詩有云。料君足似汀洲。夜夜西風左右拳。

知君憐我似袁安。欲和清吟下筆難。昨夜不眠因覓句。非同往日苦宵寒。

閔

字天恩。號我齋。又號洛澗生。江都布衣。著有知稼堂藥。客死江四。

四月九日泛江山觀音門登陸作

一徑城隅轉。竹輿穿野田。雨來飛鳥外。詩在亂峯前。曲曲飲牛水。家家煮繭煙。今宵躡山月。擬就上方眠。

黃履岳

字西巖。號五峯。江都人。

晚晴同思翁作川少陵雨晴韻

重雲誰掃盡。霽色豁然新。落日散平楚。霞光來照人。因貪露坐久。不厭舉杯頻。積悶一朝釋。詩成似有神。

黃

溥。字雲濤。號竟田。儀徵學生員。

春夜夢過非園因至潛山醒而誌感

冷然亭子興幽哉。夢訪西園戶未開。兩岸好風春漾漾。一湖新水雪皚皚。詩魂覓句依垂柳。月影留人弔

落梅。可惜黃墟空寂寞。高陽橋畔有誰來。非園。在高陽橋南。

黃

法。字星左。號香齋。欽黃枕山之孫。儀徵學生員。

江中觀落日放歌

布帆高挂乘長風。扁舟破浪聲洶洶。峯巒過眼倏明滅。髣髴羽箭離雕弓。江容浩浩渺空曠。直教萬傾涵心胸。西看落日下江岸。蒼蒼返照青芙蓉。山橫遠黛翠漠漠。樹浮青薺紛叢叢。欲落未落雲迷空。紫氣四繞金鐙紅。絳蛇萬道竄波而。明霞下射蛟人宮。對此忽復坐惆悵。閒思往事心忡忡。秋高八月天氣爽。夕陽正照南征鏝。一時意氣嗟徒雄。戢影還似孤飛鴻。迄今倏忽已三載。江山依舊雲空濛。濤翻石壁瀉紫餼。煙環老樹幡蒼龍。須臾黯黯陽鳥沒。淡靄迴薄波冲融。衆星磊落月在水。長江無聲流向東。

馬陵道中

茅屋晨雞唱。衝寒人出門。殘星依水溼。苦霧入林昏。短轂臨高坂。傾崖怯旅魂。漸看疎樹裏。隱隱上朝墩。

楊大任

字子庭。又曰黃亭。張夫堂。儀徵人。

舟發郡城與團冠霞汪問源黃拱垣同賦

晨雞唱未歇。一棹溯前溪。遠樹青圍寺。江空白到隄。此身儼圖畫。往跡媿龜鷃。不識煙花路。何人歌竹西。

張

字朴存。號漁山。江都諸生。輅自放於詩酒。著有漁山詩集。

題團雪齋秋江聽笛圖

古錦裁囊詩思清。小奚佩此趁閒行。頓將白露蒼葭句。吹出穿雲裂石聲。江水玲瓏人窈窕。天風斷續月

空明夜深驚起潛蛟舞。難遣悲秋萬里情。

張

進字嶼登
侯爵人

題畫墨菊

曾畫東籬菊似金。惜花終是惜金心。而今淡把秋容寫。俗眼從何托賞音。

江

鑑字鑑齋
侯爵人

郊行小飲

山杏紅初吐。堤楊綠未齊。荒亭煙際小。古塚路旁低。竹密邀禽語。沙平稱馬蹄。杖頭錢幾許。酒旆板橋西。

阮玉鉞

字江都北湖詩人
詩藥久佚不可多得

秋夕偶成

雲陰開日蔭蒼苔。閒就微涼到小臺。蟬曳暗拖煙影過。蛩吟寒帶雨聲來。幾家長笛樓頭怨。一片疎砧院角哀。秋思又添今日興。莫當好景廢金盃。

許建章

字懋若
江都人

胥浦觀潮

野浦猶傳伍相名。江流日夜送潮聲。雨吞揚子千帆倒。月湧金山一塔平。奔馬未酬圖越志。浮鷗空抱霸

吳情。煙波輸與蘆中叟。穩臥魚衣舟自橫。

于璠

字咸受。江都人。

送費厚蕃之楚

蟬鳴秋已暮。之子獨南征。殘月天涯夢。孤舟江上情。楚雲斷吳岫。巴水接方城。料得停橈處。江楓落葉聲。

卞占五

字殿璧。江都人。

瘞鶴銘真蹟碑亭成呈陳滄洲先生

霹靂巖邊一片石。何年真逸留遺跡。元黃局處已難尋。此字獨存天所惜。陽侯亦似解珍藏。洪波護入鼉鼉宅。茫茫浩劫歷千載。歎息沈沙同折戟。到底魚龍不敢侵。往來洗滌空潮汐。探奇浮玉訪仙踪。眼看鯨波惟舌咋。蘇黃當日總人豪。未聞能入蛟宮索。六一尤誇得字多。不向洪流設奇策。非常物待非常人。蘇州太守京江客。曠世相感亦何心。力挽神奇出諸厄。扳崖特爲鑿巖巖。犯險還教破崩聿。天吳走散蛟螭奔。一朝飛上金鰲脊。先生事業照今古。小試江濱聊創闢。茲銘若不遇知音。永閉深淵長蛟液。先生此舉誠快哉。甕椎擬把苔紋剔。

汪

崑字東曙。泰州人。

探花樓坐雨同朱東谿兄書圖作兼柬翁霽堂黃友鳧朱飲江

苦雨連朝暮。潮聲湧岸流。暑消忘六月。涼近逼三秋。縱欲期君酌。其如滯客舟。地無容足處。脫屣坐高樓。

張

鵬 字雲儕。儀徵人。與洪月航。戴鼎來爲詩友。著有赤松軒詩集一卷。

江村

高柳清溪落照閒。西風茅屋主人閒。不知何處吹漁笛。一片白雲飛過山。

燕子磯夜泊

林巒收夕翠。津鼓報初更。寂寂孤峯影。蕭蕭一磬聲。新潮隨月上。野火雜星明。有客方危坐。敲詩夢未成。

蕭文蔚

字上古。號郭林。儀徵貢生。著有舊樹軒詩鈔五卷。懷書集七卷。

樊家集

雞犬聲聲遠近聞。買茶村館又斜曛。暮雲三百餘煙戶。獨念歸休李廣文。謂李厚堂。

趙曰經

字漆園。儀徵人。少孤失學。徵逐於狗馬歌飲數十年。晚乃折節爲詩。著有聽濤軒詩草。

過任孝子廬墓處

爲掃先人墓。還過孝子廬。草侵荒徑沒。苔補短垣虛。鶴化情何極。雷驚痛有餘。遺踪足千古。憑弔自唏噓。

張文豹

字蔚齋。號野雲。儀徵人。嗜酒工吟。老於稼穡。既沒。子桐輯其遺藁。爲桂子莊小草。

北山看梅

閒曳登山屐。看梅亦偶然。幾枝纔可折。數點劇堪憐。暖日曬晴雪。妙香熏夜禪。踏青情未已。呼醉酒壚邊。

遊盛氏林亭

幽尋好是水雲鄉。一款圍屏興轉長。石磴草生連水綠。山蹊梅放過橋香。偶登飛閣穿深竹。靜聽春禽坐夕陽。閒處置身殊未得。勝遊多恐負年光。

梅廷式

字南史。江都人。官雲南□州同知。

八月十三夜對月作

今夜溶溶月。銜杯且盡歡。漫言仍缺陷。轉盼卽團圓。秋半黃花放。演中菊與桂同開。天空白露溥。卷簾深坐處。思入碧雲寒。

吳

字右肩。號穆堂。如皋人。廬真生。著有夕葵別墅詩草四卷。

舟中露宿

泠泠白露已三更。一葉隨波七尺輕。水浸樓臺沈夜色。風生蘆荻泛秋聲。蓬山倒景紅塵遠。銀漢低空皓月明。雲綺作衾流枕角。涼宵博得夢魂清。

吳

字萬石。號研北。如皋廬真生。贈文林郎。著東遊詩抄。研北詩存十二卷。

秋草

夏雨滋秋草。牆根一片青。無花仍駐蝶。有葉便棲螢。展席塵難染。茶煙日易冥。避人成老懶。相與閉閒庭。

吳

字羽中。號迴樓。如皋人。宗子。雍正癸卯拔貢生。以教習出知鳳天府武清縣。擢知霸州。著有鹽車集四卷。迴樓詩抄八卷。

海陵守魏萊蕪先生重葺浮香亭并刻宋賢梅花詩于壁卽用韻紀事

千古風流知未衰。瓣香遙接能傾倒。元祐詩人玉雪姿。惜花常恐花神惱。可憐健筆付荒煙。殘花猶占江南早。萊蕪先生古坡谷。羅浮官閣詩情好。一朝斷碣生古香。千載塵氛如霧掃。閒亭依舊坐春風。橫斜伴取梅根老。衙鼓纔終詩侶來。醉眠共藉花間草。清風冉冉暗香生。仙子排雲下瓊昊。

吳繼元

字默存。號李亭。如皋人。辛酉舉人。知浙江青田縣。著有李亭詩草八卷。

是亦園

負村留舊業。隙地避煩囂。野水夕陽艇。秋風長板橋。十年塵碌碌。三徑莽蕭蕭。尙有遺經在。忍令風雨漂。

吳

葵字葵陽。號衡堂。如皋人。廩貢生。

秋草

天涯憔悴色。一望帶斜暉。蟲語寒猶咽。螢光腐不飛。秋風幾日勁。春雨隔年肥。綠盡江南路。王孫尙不歸。

張

楫字文虎。號曉亭。江都人。

閒居夏日

爲避明窗暑日侵。綠羅煙徑不嫌深。清晨自起牽藤蔓。補滿東南一角陰。

秋日曉起

一徑黃花帶露開。曉風颯颯冷蒼苔。呼童掃盡枯桐葉。恐有尋秋客早來。

李

芟字蒙思江都人

仙霞嶺

瀑影落青冥。山光敞翠屏。鐘連高下寺。客憩短長亭。雨歇竹猶泣。嵐消花欲醒。林泉響寒玉。清倚石牀聽。

越王臺

蛟館羊祠跡有無。珠池梅嶺越臺孤。露寒秋月吟螻蟪。煙煖春蕪舞鷗鴣。黃屋幾年尊故尉。青山一片割番禺。記從陸賈來遊後。尺幅書還偃霸圖。

蕭

陽字徵父號治堂江都人

聞隔城荷香有作

煙際鷗輕下。寂然生夕涼。美人不可見。秋思爲誰長。無路進漁艇。含情立女牆。鏡中花未老。夜靜暗聞香。

三月十四夜同唐新禪李荆巖張柘園象巖吳紫谷唐飯山平山堂步月

古寺鐘初暝。空山月上時。半生惟習靜。此景到纔知。苔溼泉流細。林深露下遲。今宵宜放浪。慎勿苦吟詩。

泊燕子磯憶昔年遇李棠思于此

帆收沙嘴兩三灣。絕磴曾偕野客攀。涼月曾明秋水岸。西風仍上夕陽山。幾年踪跡書難寄。一宿菰蘆夢未閒。黃葉滿身雲滿屐。渺然天際白鷗還。

李

琯 高郵人。康熙丁酉舉人。

雲間旅次送友人之武林

谷水蘭橈黯別離。烏衣才藻渡江時。相逢客館尋尊酒。到處騷壇豎羽旗。潮射錢唐天外闊。湖分西子鏡中移。好期行色秋風壯。過我瓊臺聽竹枝。

閔奕佑

字右誠。號葉翁。江都人。

四川營

崇禎時。四川石柱堡女土司秦良玉。駐兵于此。故名。

烽火曾聞逼上京。紅妝小隊駐圍城。元戎詩繡桃花馬。壯士戈橫細柳營。桴鼓六師勤教戰。羽書萬里遠徵兵。至今禹甸風清宴。諡蜀文成頌太平。

王

棠 字勿翦。江都人。博學工文。嘗考訂經史子集。仿柳慎丹鉛錄。著知新錄四十卷。

感懷選二

雁叫西風陣陣斜。秋光冷落送年華。青山不得長爲客。紅葉原堪借作花。一水迢迢鄉國遠。千巒疊疊客

程賒。吾兄家住雲門腳。早晚同遊問二鵝。黃山只有二鵝。

沙汀滯跡夕陽天。不道今年異去年。客境淡同秋後樹。人心冷是雨中蟬。影邀明月成孤照。水學愁聲伴獨眠。身已龍鍾無可戀。渡頭芳草亂如煙。

高

探字枚升。號東籬。江都人。

書懷

微官幾載滯荒陬。寥落空齋又一秋。開徑日容山共坐。放衙時與鹿同遊。謀生計拙甘窮困。報國才疎愧去留。莫笑虎頭無異骨。年來已作醉鄉侯。

許信瑞

字舜符。江都人。

重九後二日同人宴集員氏水榭

不負登臨約。還如秋禊辰。松聲疎似雨。菊影澹于人。醉把青荷葉。涼欹白氍毹。高陽徒侶在。泥飲不辭頻。

題汪民長先生水榭圖

舍南舍北盡陂塘。水木清華映草堂。細雨一犁春播穀。晚煙千頃夜鳴榔。詩成拂紙紅藤滑。茶熟傾甌綠雪香。長日如年閒抱膝。桐花吹落滿繩牀。

劉宗儒

字延壽。興化人。

登振衣亭

侵晨窮勝覽。仄磴逼高冥。望去疑無地。到來仍有亭。江帆晴外白。閩嶠霧中青。千里憑欄見。終令倦眼醒。

管宏進

字扶青。江都人。

春日陪李眉三明府郊行

澹煙輕靄擁雲旂。出郭三峯次第青。春雨一犁黃犢畔。放衙先上勸耕亭。

田文潤

字東里。號柳城。江都人。

夢遊焦山

山水情難割。焦山夢裏遊。煙濃隨草暮。月冷共雲秋。放眼空天地。忘機狎鷗鷗。中流誰砥柱。吾道且漁舟。

尙友

字以明。興化人。

自儀徵曉發之楚

曉發儀徵縣。晨光上驛樓。山青搖去艇。浪白坐輕鷗。岸葦隨天盡。墟煙擁樹浮。相從惟一劍。千里爲依劉。

洪馥

字丹山。號箴堂。江都生。長。生及康熙年八十餘卒。

重九前二日雨中感賦

生計慚吾拙。行藏勿問天。未工司馬賦。誰假尉遲錢。白髮高堂暮。青衫遊子憐。不堪佳節近。鄉思又經年。

茅

默字阻容。
儀徵人。

雨中

遶屋生寒響。溪流谷口風。亂山雲影外。孤客雨聲中。懷土吟莊鳥。登樓憶謝公。我緣櫻筍誤。留滯此江東。

倪

偕字□□
江都人。

青白線爲孝烈裔娥作。娥裔氏。生江都北湖黃莊橋。嘗刲股救父。既歸孫氏。姑魂與二女有所私。百計陷娥。康熙六十一年四月十七夜。娥密以青白線合上下衣縫之。遂自經死。鄰人憤集。懇

于太守。孔公得殯人。悉置諸法。親祭葬之。平山石岡。與池女霍女塚並。且旌其坊曰。清白銘心。

涇水清。渭水濁。澄清安肯受醜醜。蘅杜香。蕭艾臭。氣味何容竝。陪茂裔家女子年廿一。曾經刲股療父疾。結婚孫室甘食貧。淚痕幾見青蛾溼。不料古井寒波起。老姑少姑隨風靡。由來白玉涅不淄。彼汙此潔何能毀。歸寧悲訴兒欲死。母問諱言姑作事。但取母筐青白絲。謂將此物明兒志。歸來犬蕋紛相逼。暗縫衣袂防身密。一縷分明斷命絲。苦情恨不向夫別。事聞當軸表清白。肆筵載拜妥幽魄。貞坊高暨平山西。頓使鬚眉愧巾幗。吁嗟塞命甘荼苦。彩鳳隨鴉誓不許。至今生氣凜千秋。女貞一樹花朝暮。

施

銓字□□甘泉
人。居北湖。

裔烈娥詩

貞魂幽憩古江濱。池霍碑前馬鬣親。苦海同參龍樹偈。驚飈獨際火蓮輪。鴛鴦掠削逃金彈。干莫淒涼赴

劍津不是清操箴薄俗。椒漿難折宰官身。

王玉藻

字□□。江都人。官浙江慈谿縣知縣。

讀史有感

莽莽荒塗未肯休。攤書遙集古今愁。朔方舊費平羌策。南海虛誇下瀨舟。廩養卒多橫印綬。賈珠兒亦列通侯。古來將相多黃土。惟有青山未白頭。

王方岐

字武微。號蒙谷。江都人。明吏部文選司納諫孫。慈谿令玉藻子。祖居黃莊橋之北。武微不爲科舉之業。博通典籍。放情詩酒。與弟方魏偕隱。值修郡志。郡守以禮聘。兩君方岐堅不就。方岐就之。爲輯天文輿地水利賦稅諸篇。俱精當爲衆所推。事竣。守令欲繼見之。不可得也。所著有蒙齋文集十六卷。詩八卷。祛塵錄。哀談。各若干卷。

揚州歌吹詞

陌上韶光畫不成。酒帘茶舫鬪新晴。茶蘼開徧棠梨謝。楊柳陰中一笛橫。雨歇橫塘蔭綠楊。採蓮歌發傍斜陽。尋常曲度樽前月。珠翠風來韻亦香。

王方魏

字大名。號香城。方岐弟。性情淡。不入城市者二十餘年。著有周易廣義二十卷。纂周易解一卷。書法學柳諫議。里人至今稱大名先生。

答友人

把釣湖濱已廿年。垂垂霜影惜華顛。昨朝磯上看新漲。只有秋潮去復還。

士巖

字平格。號樂夫。寶應生員。從江都雷伯龍遊。著有巖齋集二卷。詩文集四十卷。

送雷伯籲先生之海上

壯心銷欲盡，寥落又東行。晚歲經飢渴，窮途別友生。人煙依海市，沙鳥渡潮聲。此地藏名好，頓忘世上情。

周

儀

字儀一，號晚耕，江都人。

費韋自成都歸，攜草堂石刻杜少陵像，集同人拜觀，共賦。

成都詩老來故鄉，手攜一卷松煤香。開緘獲瞻子杜子，遺像肅穆生幽光。飯顆之嘲殊不爾，高齋廣額神清揚。範金絲繡曷足貴，片石篆刻同球琅。憶昔青驪蜀山走，拾遺麻鞋衣露肘。老臣扈蹕萬里從，豺虎縱橫龍在薮。草堂寄跡何窮孤，憂時憤俗詩千首。杜鵑再拜陳苦詞，卻與離騷同一手。君家詩律法少陵，誦法時時不離口。瓣香從此得神交，俎豆斯圖傳不朽。

弼惟良

字真長，江都人。博學多聞，與葉縣廣、阮玉鉉同稱湖上三高士。

影園卽景

淇園一幅綠成陰，水石縈紆小徑深。把臂固應還我輩，古煙幽月半蕭森。竹徑蒼茫風雨際，江天水調歌成叩釣舷。夢起捲簾看漠漠，一行鴻雁下秋煙。蘆中曲檻涼生柳外風，落花魚戲碧波中。溪聲昨夜添新雨，鏡裏時時飲玉虹。月梁曉送東風小，閑寒卷簾雲影思漫漫。蒼虬夜吸銀河水，飲作珠璣百道看。雨閣。

施

原字叔氏。隱居北湖。好著書。工畫。晚年甚驕。更入神品。與徐石麒。范奎。畢銳。同轍一園。名芳畚詩社。所爲詩多散失。聞于題畫見之。

畫影

石路逶迤草樹重。青山一半白雲封。尋幽不惜勞雙屐。十里來看雨後峯。

顧九錫

字臨節。號思澹。江都布衣。居大橋。著在經濟類考。約編。春堂集。

淖沱河

河水日湯湯。淖沱古戰場。荒原人跡少。邊塞雁聲長。危渡冰花合。蕪蕪麥飯香。垂鞭問野老。往事總蒼涼。

送汪蛟門之宣城

纔得論心又別離。煙波江上繫相思。青楓古渡征帆遠。白露寒空落雁遲。隋苑芙蓉人寂寞。北樓風雨墨淋漓。歸來可及秋深處。黃菊東籬酒一卮。

劉梁嵩

一名次山。字玉。江都人。

天險閣

壁立森森萬仞梯。天分吳楚隔雲泥。龍蛇峽暗秋陰裏。松桂巖寒落照西。人而常隨峯向背。馬蹄忽與雁高低。行人不少登臨興。石上惟留謝客題。

汪

字序士。號菊田。江都人。康熙庚子。副榜貢生。宜興教習。乾隆丙辰。副監陳公世倌。薦舉博學鴻詞。著有菊田集。未見。今從黃城集錄得一首。

雁來紅

雁影空塔八月天。一枝紅紫賽春前。朱顏老去猶如此。慘綠當時是少年。

馬榮祖

字力本。號石蓮。江都人。雍正壬子舉人。兩江總督鐵嶺高公。薦舉博學鴻詞。官河南閿鄉縣知縣。調鹿邑。

始祖。福建閩縣令啓象。君曾祖也。祖實。父鳳藻。皆有聲庠序。君弱冠名備一選。桐城方望溪。金壇王耘渠。尤所傾心。雍正壬子。始舉于鄉。年數矣。世宗憲皇帝。復詞科之制。大吏以君名薦。復舉選閿鄉縣。新。閿鄉處豫之西鄙。與潁關機隔一門限。扼秦蜀之咽喉。爲中原之門戶。城廢不修三百年。大府以君言。發帑更。免不在遠。亟至廐所。執戊兒以歸。研訊得情。還近賊服。點胥豪役。斂手不敢上下。四境大治。遷鹿邑。治如。閿鄉。招倅建講舍十一楹。榜曰鳴鹿。從邑得名也。以老朋生其地。顏其堂曰崇禮。未幾引年歸。乾隆辛巳卒。年九十有六。著享雲堂集。擬劉彥和爲文頌百首。又有演沙珠一卷。子瑄。孫春聲。

集杜四律贈山陰胡天游

當代論才子。終朝獨爾思。青冥猶契闊。此道未磷緇。河海由來合。風雲際會期。出塵皆野鶴。少有外人知。同調嗟誰惜。蒼茫土木身。天涯喜相見。滄海闊無津。回首驅流俗。觀圖憶古人。衰年傾蓋晚。直取性情真。高視收人表。長驅甚建瓴。英雄餘事業。才力爾精靈。對酒都疑夢。提刀見發硎。丹心老未折。不嫁惜娉婷。自得論文友。春來六上絃。且持蠡測海。應用酒爲年。歎憶迎梁父。深期列大賢。客愁全爲減。豁日掃雲煙。

斷鍼吟

李子道南。母胡。自失所天。辛苦萬狀。手自縫紉。以度朝夕。溺於危者數矣。獨以清操自勵。母子相泣。問語所知曰。此吾母半生心血所積也。是母是子。爲近今之所難。余聞其意。爲賦斷鍼吟六章。附錄李母。

胡太孺人傳。母姓胡氏。江南金壇人。年二十。歸江都光祿寺典簿李公。中荈爲繼配。凡三十年而寡。又二十三。

年而卒。春秋七十有三。光祿生子四人。長留。次沅。次湘。次道南。雷宇處百。黃南字晴山。母所出也。光祿家故饒于財。而受產默滯。又性樂閑靜。初未有子。以兄子某爲後。則悉委以家事。光祿歿。產立盡。告於母。母將棄。世傳移江玉山堂。爲四方名流。文酒游處地者。卽李氏故居也。于時或勸母。宜語貴其數。而所出入。母不可。傲房移臥具。挈二子出。久之。復棄去。則誅茅編葺以棲。深廣華文。用布障以處。夕。而外爲座。以待二子師友之至。地窪。每大雨。水挾諸樓四集。寢淫室中。母處之莫如也。母貧女紅給朝夕。不給則日市餅。人食一二枚。不再食。又不繼。則其取之。會歲盡。晴山念先人所遺水玉印。章二。猶在篋。將謀貨于戚。以爲餅直。命婦收章。一墮地碎。婦泣。母哭。操此章以乞哀富者。非吾志。今章碎。絕女妾念甚善。何泣爲。餅師感之。爲折券棄貴。維揚爲國家東南賦所出地。多商。士人化其習。競走利。母嘗之。戒兩子毋與富家兒遊。雖族姻勿令安有所往。以故有力者相環。鮮肯引手援者。當是時。所後子某。亦出。事。安事此爲。衆歎息而去。用是二子頗皆廉靜。輕殺。以自克。一意刻苦於學。學既成。晴山補博士弟子員。有聲于時。時當途吳孝廉鏡。故安溪先生門弟子。少爲江都廣文。且主安定書院。講席極愛重晴山。一日。傳江寧程孝廉文。過茹舍。曰。領作竟日譚。毋客我。卽以飯飯我。晴山唯唯。時家方斯炊。無以應也。市以烹客。母時晴山入。持雞黍出飯客。客去。晴山跪請所自。母指榻後簾幕。曰。頃解吳衣。穴此澆都。婦覓錢。市以享客。不第。爲泣下。至今維揚人。猶能道其事。晴山兄震百。能文。會母喪。哀毀卒。晴山益不自聊賴。八應省試者哀之。爲作斷絨。聞者流傳。及子。子因粗知母及晴山狀。乙酉之歲。晴山來京師。一見知舊用識。延之家塾。每夜語諸長。問舉所聞。母一丁軟事。叩之。輒涕下哽咽不能語。遂不復問。退而撮拾所聞于揚之人者。爲之。示晴山。晴山且泣曰。君能言。道南所不忍言。於是乎而歸之。秀水鄭虎文述。

斷絨斷絨。力盡恩深。焚焚母子一鐙沈沈。一解 斷絨斷絨。力盡更深。宿火已滅。指直氣結。二解 月沈西風。

颯颯。歲晏何以祭先臘。停絨躊躇。心口互答。三解 絨不斷。絨屢斷。夜復夜。兮旦復旦。絨未斷時。心已亂。四解

一縷半縷。出母十指。千絨萬絨。刺兒心裏。五解 絨斷母心苦。特孤兒作主。前絨斷兮後絨續。傷哉母逝不

容贖。六解

張學舉

字乾夫，號舜舫，如皋人。雍正乙卯舉人。官福建古田縣令，轉廣東澳門海揭番出等縣，以保舉升羅寶州知州。福州府知府。終於福建鹽法道。有南坪詩鈔八卷，刻于閩。乾隆癸丑，子浙江布政使朝經重刊。

四澳

南澳時海上，地勢長闊，中區爲四澳，閩分細守之。有深青、黑、紅、白四澳之名。土風固不遠，形勝則各異其險也。作四澳詩。

樟林蔚且長，遙帶黃岡渡。渡口駛驅來，蒼茫認雲樹。朝發指深澳，傍崖日未暮。深澳拱金城，寬可千舟聚。食貨資貿遷，商漁從所務。乘未依近郊，荷戈列遐戍。愛此島居人，公庭稀牒訴。使君歷輕軒，淳風溢歧路。深澳。

青澳藹青青，倚山爲屏障。汪洋千萬里，煙雲非一狀。風扶怒濤掀，目駭不能向。迴顧太子樓，荒基插漁桁。事遙蹟未湮，憑弔增悽愴。似聞白鷗鳴，崖門鬱相望。右隄藏衣冠，青逕排雲上。我攜春蘭枝，一薦陸丞相。青澳。

保章辨雲物，占象候至分。卿景昌期叶，五色垂繽紛。區區海之澳，胡爲雲以名。珠胎騰寶氣，日御蒸彤雯。煙波互吞吐，元化流氤氲。于時恬鯨浪，于時靖妖氛。爛其金枝苗，燦披綠圖文。願同汾鼎獻，摛詞頌聖君。雲澳。

行行指亂峯，懸崖通鳥道。御徒力漸頽，劇然見隆澳。外廣內復寬，玉玦儼天造。上下避風船，狀若雞卵菹。甕峙連長山，荒荒跡罕到。修蜨宅蜂窩，地名野猿窺蜃竈。搜山入其深，前驅弓矢導。巡洋列舳艫，風中辨旗纛。隆澳。

龍水曲

龍水如建高屋瓴。但有旋折無澄渟。連灘灘勢壯無匹。噴薄雪霰驚雷霆。巨艇激浪駛於弩。那能留盼青
山青。誰似沙鷗不覺險。浴波才罷還梳翎。

董偉

字昡夫。一字愛江。江都人。昡夫狂放自喜。有嫉於揚州薄俗。作竹枝詞九十九首。以爲諷。時新商賈官。交

明節過便清和。盜賊刀魚入市多。馬是酒樓禁不得。菜花天氣實泥螺。紅橋遇日鶯兒顫。占渡香泥燕子肥。多少
迷樓樓畔客。不思歸去怕春歸。金衙門前老客星。肩書懷餅短童青。苦心文字多情事。春雨桃根瘦狗銘。章句貧
儒轉見疎。梨園一曲重瑤璫。爲戒子弟繼頭錦。不買兒孫納服書。雙忠
祠外雪風加。孝子墳前叫餓鴉。冷飯乞兒歸路苦。卻教殘月照梅花。

姑蘇道中

水曲風無定。篷窗面而生。綠波千疊碎。柔櫓一枝輕。路轉河房密。橋通柁火明。底須問舟子。知是闔閭城。

王

微字啟人。號杏齋。江都人。

題吳蒼崖陋漏居

柴門依陋巷。屋漏見天光。月影斜穿壁。苔痕綠到牀。竹梧三徑密。風雨一燈涼。獨坐何曾覺。清吟興轉狂。

吳家應

字于河。儀徵人。

客窗夜雨

一燈孤館夜將殘。鄉井分明夢裏還。愁聽芭蕉窗外雨。此身何似在巴山。

盛園春

字引堂·江都人·

水香村墅落成

東城圖畫可誰倫。結構亭臺取次新。幾點閒雲低度鳥。一灣流水澹依人。菱荷香裏疑無夏。楊柳風前別有春。不是主人詩句好。和歌那得滿江濱。

吳仁煜

字聽南·號春陵·江都監生·

訪李漁莊不值

渡水叩柴扉。幽人尚未歸。閒情何處遣。勝事與心違。煙冷夕陽下。風翻落葉飛。山庭惆悵久。空翠溼秋衣。

胡存銘

字揚菴·一字梅邨·興化人·性謹樸·精于醫·士大夫交重之·

秋夜

葉落空庭靜。西風透幙初。病多寒覺早。夜短夢嫌疎。我自憐衰朽。人誰問起居。一燈清不寐。倚枕看殘書。

胡良瑤

字葆光·一字崑堂·興化學生·以行稱于鄉里·善書畫詩·

秋草

冷落舊遊路。王孫奈若何。秋光不長好。芳意綠無多。野燒空狐兔。山煙剩薜蘿。春來踏不盡。此日竟消磨。

管一清

字聖寧·號穆軒·江都人·乾隆己未進士·授翰林院庶吉士·散館·授大名府魏縣知縣·丁外艱·服闋·任廣東增城縣·適鄰邑賊匪聚眾山中·穆軒發覺·聞於督撫·剿滅之·以引見入京師·卒于旅次·著有伯軒詩

一卷·

夏日卽事

午窗岑寂仕閒眠。短夢初回意泠然。雙影乍開風蹴蝶。半聲中歇雨驚蟬。清生水而浮荷氣。碧入林梢散茗煙。倚徧曲欄頻得句。消凝端可夕陽天。

同陳庶咸楊又桓紫侯家弟開章游永濟寺

齋聲振空林。曠然發奇趣。逕僻行跡希。曲折披雲樹。梵宇面層巒。勢偃俯欲仆。截壁隱鬼斧。陰崖絕義駟。古苔赤斑駁。寒蘿綠盤互。愛此一片石。江流浮不去。啾啾宿鳥來。欲歸忘前路。更欲登危樓。共看飛瀑布。

暮春雜興

割波獵獵蒲抽劍。撲幙茸茸柳放絲。花事闌珊修禊地。鶯聲撩亂病醒天。一枕黑甜亭午後。半檐綠蔭夕陽初。試吹活火烹新茗。且就明窗讀漢書。綠分溪漲鴨浮水。紅溜樹梢鶯啄花。繞樹路迷縈蝶夢。隔牆聲亂散蜂衙。

淮海英靈集

鄭

變字克柔。號板橋。興化人。乾隆丙辰進士。知山東濰縣。及范縣。歲飢。爲民請賑。大吏忤之。罷歸。其詩人感其政治。至今寶其書畫。況以不善司民牧。眞至言也。王畫蘭竹。書法以隸楷行一體相參。古芳獨絕。淮陰之貧窮者。釐所取而贈之。作詩不拘體格。興至則成。頗近香山放翁。著板橋詩鈔二卷。詞一卷。家書一卷。

海陵劉烈婦歌烈婦夫武舉。從左良王陣亡。無後。婦誓奉公姑。既終年。卽自縊死。州人哀之。

濕雲壓牕燈欲死。少婦停梭拂衣起。夜慘心孤倦欲臥。沙場夢入深閨裏。破甲殘旗裹血痕。手提敗鼓號冤魂。自云轉戰身陷沒。斷骸漂骨黃河奔。倉皇踣婦驚覺。羣犬亂吠秋籬根。深夜欲啼啼不得。淚珠迷落羅衾濕。抹去胭脂罷曉妝。翠翹雲鬢無顏色。因問傳來敗散軍。果然與夢無差分。溫言緒語慰翁媼。陶閨裂破繡羅裙。椎心一哭數斗血。紙錢飄去迴秋雲。柴門寂寞聽鼙鼓。門病婦把家門戶瘦。夜夜寒機達曙光。朝朝破井磨鴛鴦。十畝荒田歲不收。一園花柳空如繡。翁歿殯歿婦卽歿。宗祀無人妾何立。撫將皓頸委紅羅。要使芳魂覓沙磧。丈夫死國妻死夫。忠義不得轉呼吸。一念徘徊事已非。包羞泉壤何嗟及。至今墳樹晚悲號。荒河白草秋原高。寒鴉孤棲夜不定。哀鳴向月求其曹。

郭城

劃破寒雲漳水流。殘星畫角動譙樓。孤城旭日牛羊出。萬里新霜草木秋。古瓦荒涼銅雀死。西陵風雨石

人愁分香一夕雄心盡。碑版仍題漢徹侯。

寄許衡州

江淮韻士許衡州。近日蕭疎似昔不。好事春泥修茗竈。多情小盃覆詩圖。食眠消減綠花瘦。鶯燕商量怨水流。我有無題新脫稿。寄君吟向小紅樓。

悍吏

縣官編丁著圖甲。悍吏入村捉鵝鴨。縣官養老賜帛肉。悍吏沿村括稻穀。豺狼到處無虛過。不斷人喉抉人目。長官好善民已愁。况以不善司民牧。山田苦旱生草菅。水田浪闊聲潏潏。聖主深仁發天庾。悍吏貪勒爲刁奸。索逋洵洵虎而翼。叫呼楚撻無寧刻。村中殺雞忙作食。前村後村已屏息。嗚呼長吏定不知。知而故縱非人爲。

除夕前一日上中尊汪夫子

瑣事貧家日萬端。破裘雖補不禁寒。餅中白水供先祀。窗外梅花常早餐。結網縱勤河又汙。賣書無主歲偏闌。明年又值掄才會。願向秋風借羽翰。

由興化迂曲至高郵

百六十里荷花田。幾千萬家魚鴨邊。舟子搦篙撐不得。紅粉照人花可憐。

船窗無事啼秋蟲。容易年光又冷風。繡被無情團扇薄。任他霜打柿園紅。

送都轉運盧公

揚州自古風流地。惟有常官不自怡。鹽筴米囊銷歲月。巖花澗鳥避旌旗。一從吏議三年謫。得賦淮南百首詩。昨把青鞵踏隋苑。壺漿獻出野田兒。清詞頗似王摩詰。復以精華學杜陵。吟賦夜窗秋紙破。思凝寒澗曉星澄。樓頭古瓦疎桐雨。牆外清歌畫舫燈。歷盡悲歡並喧寂。心絲烏入碧雲層。塵埃吹去又生塵。汨盡英雄爲要津。世外烟霞負漁釣。胸中經濟念君臣。去毛折項葫蘆熟。豁齒蓬頭婢僕真。兩世君家有清德。卽今風雅繼先民。何限鸛鷖供奉班。慙予引對又空還。舊詩燒盡重謄藁。破屋修成好住山。自寫簪花教幼婦。閒拈玉笛引雙鬟。吹噓更不勞前輩。本是江南一老頑。

骨董

末世好骨董。甘爲人所欺。千金買書畫。百金爲裝池。缺角古玉印。銅章盤龜螭。烏几研銅雀。象牀燒金猊。一杯一尊。按圖辨款儀。鉤深索遠求。到老如狂癡。骨肉起訟獄。朋友生猜疑。方其富貴日。價直千萬奇。及其貧賤來。不足換餅餐。我有太古器。世人苦不知。伏羲畫八卦。文周孔繫辭。洛書著洪範。夏禹傳商箕。

東山七月篇。斑駁何陸離。是皆上古物。三代卽次之。不用一錢買。滿架堆離披。乃其最下者。韓文李杜詩。用以養德行。壽考百歲期。用以治天下。百族歸淳熙。太古不肯好。遂逐流俗爲。東家宣德爐。西家成化甕。盲人寶陋物。惟下愚不移。

貧士

貧士多窘艱。夜起披羅幃。徘徊立庭樹。皎月墮晨輝。念我故人好。謀告常無違。出門氣頗壯。半道神已微。相遇作冷語。吞話還來歸。歸來對妻子。局促無儀威。誰知相慰藉。脫簪典舊衣。入廚然破釜。烟光凝朝暉。盤中宿果餅。分餉諸兒饑。待我富貴來。鬢髮短且稀。莫以新花枝。請此薜蘿非。

廣陵曲

隋皇只愛江都苑。袁嬖汨斷紅珠子。玉勾斜土化爲脂。散入東風艷桃李。樓上摘星攀夜天。斗珠灼灼齊人眉。雷塘水光四更白。月痕斜出吳山尖。曉開涼雲笛聲瘦。碎鼓點衣撒秋豆。長夜歡娛日出眠。翻紅風雨迷長晝。

乳母詩

乳母費氏。先祖母蔡太孺人之侍婢也。變四歲失母。育於費氏。時值歲饑。自食於外。服勞於內。得食也。汝年費益不支。其大謀去。乳母不敢言。然長解汨痕。日取太孺人舊衣。縫洗縫補。汲水盈缸。瀝乾。又買薪數十束。積置下。不數日。竟去矣。雙入其室。空空然。見破牀敗几橫橫。視其辭猶溫。有飯一盞。菜一盞。藏釜內。卽常所餽養者也。變痛哭。竟亦不能食矣。後三年。來歸侍太孺人。撫養倍勤。又三十四年而卒。壽七十有六。方來歸之明年。其子俊。得撫江揚塘官。薦迎養之。卒不去。以太孺人及變故。變成進士。乃書曰。吾

撫幼主成名。兒子作八品官。復回恨。遂以無疾終。

平生所負恩。不獨一乳母。長恨富貴遲。遂令慚惡久。黃泉路迂闊。白髮人老醜。食祿千萬鍾。不如餅在手。

懷揚州舊居

卽李氏小園。寶花翁汪髯所築。

樓上佳人架上書。燭光微冷月來初。偷閒繡帳看雲髻。壁斷牙籤拂蠶魚。謝傳青山爲院落。隋家芳草入園蔬。思鄉懷古兼傷暮。江雨花紅爾自如。

范縣詩

十畝種棗。五畝種梨。胡桃頻婆。沙果柿柰。春花淡寂。秋實離離。十月霞紅。勁果垂枝。爭榮謝拙。賴采于斯。消煩解渴。拯疾療飢。

桑下有梯。桑上有女。不見其人。葉紛如雨。小妹提籠。小弟趨風。掇彼桑葚。青澁未紅。旣養我蠶。無市我繭。杼軸在堂。絲絮在撚。暖老憐童。秋風裁翦。

臭麥一區。飢雞弗顧。甜瓜五色。美于甘瓠。結草爲菴。扶翳遠樹。苜蓿綿芊。薔花錦互。三豆爲上。小豆斯附。綠質黑皮。勻圓如注。范有臭麥。成熟後則不臭。黃黑棗爲三豆。爲大豆。餘俱小豆。黑豆而得青者最貴。

鵝爲鴨長。率游于池。悠悠遠岸。漠漠楊絲。人牛晝臥。高樹蔭之。赤日不到。清風來吹。斗斯鉅矣。三登其一。尺斯廣矣。十加其七。豆區榴衡。不官而質。田無埂隴。畝無侵軼。爾種爾黍。我耰我稷。

文之以弓。岱之以尺。

黍稷翼翼。以蔥以鬱。黍稷栗栗。以實以積。九月霜花。催役還家。腰鎌背穀。腳露肩霞。遙指我屋。思見我婦。一縷晨烟。隔于深樹。牽衣獻果。幼兒識父。

錢十其貫。布兩其端。四十聘婦。我家實寒。亦有勝邨。童兒女孫。十五而聘。十七而昏。菀枯異勢。造化無根。我欲望天。我實戴盆。六十者傭。不識妻門。籠燈舁綵。終身爲走奔。

驢騾馬牛羊。匯賣斯爲集。或用二五八。或以一四七。期日長吏出收租。借問民苦疾。老人不識官。扶杖拜且泣。官差分所應。吏擾竟何極。最畏硃標籤。請君慎點筆。貪者三其租。廉者五其息。卽此悟官箴。恬退亦多得。

朝歌在北。潞水在南。維茲范邑。匪淫匪婪。陶堯孫子。劉累庶枝。鼻祖于會。衍世于茲。妮妮斤斤。唐風所吹。墾墾力力。物土之宜。

破屋

靡破牆仍缺。隣雞喔喔來。庭花開扁豆。門子臥秋苔。畫鼓斜陽冷。虛廊落葉迴。掃堦緣宴客。翻惹燕鶉猜。

思歸行

山東遇荒歲。牛馬先受殃。人食十之三。畜食何可量。殺畜食其肉。畜盡人亦七。帝心軫念之。佈德回穹蒼。

東轉遼海粟。西截湘漢糧。雲帆下天津。艤艫竭太倉。金錢數百萬。便宜爲賑方。何以未賑前。不能爲周防。何以既賑後。不能使樂康。何以方賑時。冒濫兼遺忘。臣也實不材。臣也非無良。臣幼讀書史。散漫無主張。如收敗貫錢。如撐斷港航。所以遇煩劇。束手徒周章。臣家江淮間。蝦螺魚藕鄉。破書猶在架。破甕猶在牀。得罪已十年。素餐何久長。秋雲雁爲伴。春雨鶴謀梁。去去好藏拙。滿湖葦葉香。

和雅雨山人紅橋修禊

年來修禊讓今年。太液昆池在眼前。迥起樓臺迴水曲。直鋪金翠到山巔。花因露重留蝴蝶。笛怕春歸戀畫船。多謝西南新月挂。一鉤清影暗中圓。

自題畫柱石圖

華亭陳古華太守以此畫贈元。因錄此詩。

一竿柱石欲擎天。體自尊崇勢自偏。卻似武鄉侯氣象。側身謹慎幾多年。

李義賢

字芝庭。江都人。熟於唐人詩集。著秀谷集唐詩抄。乾隆庚辰。勒成八卷。氣體自然。無異己出。劉六松撰

對蔣吉天寒雪未消。寒食送別。以王勃野烟含夕活。對王維疎雨過春城。宿東巖寺與僧夜話。以沈佺期流潤含輕雨。對姚合穿山踏亂雲。客中逢楊已軍。以孫秋令月逢新夏。對錢起前程未夕陽。江邊閒眺。以徐牧櫛無下鉤處。對孟浩然徒有寒魚情。密瓜步。以徐祐淺水孤舟泊。對李商隱殘燈獨客愁。途中。以溫庭筠門靜人歸晚。對趙嘏枝間鳥下空。元旦。以譚用之飄飄難負千鍾祿。對盧同鏡裏真堪驚。兩疊霜。詠柳。以劉禹錫一管玉笛向空盡。對姚合萬架金絲著曉嬌。江口夜泊。以冷然巖邊樹動猿下澗。對羅鄴溪上月沈人罷春。悼古詩。以李商隱蕭何只解追韓信。對李愷買誰何須弔風平。遊吳氏林亭。以許渾山翠萬重當檻出。對杜光庭烟嵐一帶隔塵浮。登江樓。以羅隱瓦榼尚攜京口酒。對薛據布衣恐惹洛陽塵。皆下穩絕倫。

歲暮送遼門兄歸金陵

歸思逼新正。中宵算去程。因從京口渡。直到建康城。夜火隨船遠。春禽雜櫓聲。幾時裁尺素。稍解別離情。

白居易 李咸用 丁仙芝 郎士元
張喬 張翥 賈牟 王維

自遣

屬意在章句。何曾暫廢吟。一聯如得意。萬事不關心。月出東齋靜。花開北院深。忘懷任行止。乘醉自橫琴。

孟浩然 姚合 歸仁 王維
賈島 王勃 白居易 趙嘏

八春

春光獨早知。春草憶佳期。春至花常滿。春融夢覺遲。春烟生古石。春溜滿新池。春意賞不足。春風能幾時。

劉憲 劉長卿 呂溫 溫庭筠
張說 弓嗣初 皎然 蘇嗣宗

送濟遠上人遠遊

寂寂傳燈地。微茫水國分。孤舟信風泊。清磬隔潮聞。結宇依青壁。登山入白雲。浮杯明日去。何處出塵氛。

皎然 張祐 裴迪 馬戴
張九齡 劉長卿 劉禹錫 杜甫

江行卽事

好是潺湲水。奔流翻石磯。舟從廣陵去。帆對漢山飛。萬壑動晴景。千峰駐晚暉。離家久無信。昨夜夢中歸。

張蟪 錢起 李白 李頻
溫庭筠 李嘉祐 張籍 劉長卿

與黃禹門遊清涼山

空色清涼寺。幽廊步不窮。翻經上蕉葉。挂錫憩松風。望月逢殷浩。遊山憶謝公。江流盤復直。臨眺畫圖中。

皎然 羊士諤 張籍 楊夔
李端 杜甫 方干 張說

石岸行將盡。松清古殿扉。山禽拂席起。溪鳥入門飛。荒戍落黃葉。殘陽在翠微。山有翠微亭。金陵江色裏。孤棹

宿心遠

袁禪 蔡母潛 奚賈 朱景元
溫庭筠 錢起 馬戴 孫遜

登焦山絕頂

皎皎秋中月。茫茫江上天。雲離京口樹。風散廣陵烟。谷遠涼陰靜。山欹練影偏。濤來海門吼。無處不潺湲。

朱華 李白 曹松 儲光羲
李嶠 冷朝陽 劉禹錫 杜牧

七夕

試陟江樓望。仙郎此夕過。秋蟾纔過雨。飛鵲亂填河。山外傳簫管。閨中曝綺羅。七襄牛女恨。機杼別情多。

溫庭筠 張聿 許康佐 皎然
鄭洪業 李程 方干 李商隱

對雨

正是高秋裏。經旬雨未休。危花霑易落。凝葉滴還流。征馬嘶長路。饑鳥集成樓。唯傷遠人耳。驚夢復添愁。

唐彦謙 姚合 李端 無名氏
高適 杜甫 鮑溶 魚元機

西湖

美景春堪賞。遊人喜意長。竹梢餘雨重。柳絮帶風狂。陌上日初落。壩頭酒正香。欲尋蘇小小。迴首問橫塘。

孔溫業 劉禹錫 元稹 李賀之
雍陶 岑參 柳中庸 溫庭筠

碧草細爲提。朱樓尙隔溪。雲歸萬壑暗。鳥入一枝低。絲竹路旁散。笑容花底迷。姜年初二八。家住水東西。

鮑溶 于鵠 儲光羲 戎昱
張說 白居易 崔顥 王維

經廢山寺

野寺門多閉。寥寥虛客堂。鶴尋深院立。蛩入破塔藏。片石從秋露。千峯近夕陽。蟬鳴獨樹急。無處避螳螂。

項斯 丁仙芝 李遠 賈島
黃滔 王昌齡 戴叔倫

呈芬字光字二叔

遙指金陵縣。光涵雨露滋。風雲皆有合。花柳更無私。經濟懷良畫。觀光在此時。何由兄與弟。共握桂林枝。

李頎 李義府 白居易 杜甫
溫庭筠 呂吳 趙嘏 闕名

喜晴三叔登賢書

李裴
幅輒
蛟然
無名氏
陸龜蒙
李裴
白澄

人生難稱意。猶苦病牽纏。明日非今日。今年老去年。黃金何足數。白髮竟誰憐。往事那堪問。風華已渺然。

李太白
皮日休
武元衡
杜甫
鮑溶
劉長卿
劉采春
溫庭筠

殷勤執杯酒。悵館起離憂。澁劍猶堪淬。明珠莫暗投。青山寒帶雨。白月夜隨舟。若聽清猿後。倍添爲客愁。

李端
李百藥
溫庭筠
高適
黃滔
劉禹錫
馬戴
趙嘏

自嗟名利客。多少別離情。山館月猶在。霜橋人未行。寥寥遠天靜。寂寂曙風生。不辨雲林色。惟聞啼鳥聲。

崔白
曙居易
王黃
甚滔
夷
郭寶
良羣
方劉
干禹
錫

悠然萬方靜。行道入深雲。縹緲浮烟遠。蒼茫孤嶼分。不知波上棹。但見野中墳。谷響猿聲應。離憂詎可聞。

楊巨源	劉長卿
鮑皎	鮑
然溶	溶
管雄甫	馬戴
蕭穎士	竇牟

歸燕

燕辭前日社。往往涉清溪。漸出松間路。猶窺幕上泥。相悲共相樂。雙去復雙棲。別意說難盡。禽情祇自迷。

元稹 殷達 白居易 顧況
盧照鄰 趙嘏 李咸川 崔諤

蟬

藥闌聽蟬噪。亦欲應時鳴。露重飛難進。風飄響更清。正悲西候日。多引北歸情。秋至皆零落。應憐嘒嘒聲。

宋之問 嚴維 駱賓王 張仲素
王勃 許棠 郭恭 沈鵬

螢

幸近幽人屋。茫然同夜行。搖風光不定。臨水泫微明。向月本無影。投書更有情。遺蹤委衰草。偏解及時生。

杜甫 李咸川 元稹 孫頤
方干 李嘉祐 杜牧 李觀

和夢因上人種竹

繩床映深竹。曉夕翠烟分。冉冉凌青壁。飛飛有白雲。但驚龍再見。長與鳳爲羣。若得離煩惱。同翻貝葉文。

岑參 杜牧 溫庭筠 李適
薛存誠 李白 王建 劉卿

秋日寄方峙中客粵西

秋至含霜動。懷君不自持。雁翻蒲葉起。魚靜蓼花垂。縱得相逢處。都非少壯時。烟波千里隔。莫怪尺書遲。

宋之問 岑參 崔湜 溫庭筠
韓偓 杜甫 賈島 韓翃

漫成一律贈朱更生

舒卷忘饑渴。貪吟放醖遲。微風時動牖。衆鳥各歸枝。零落星欲盡。徘徊夜轉宜。投輒聊取笑。把筆學題詩。

李成用 韓偓 韋嗣立 聶夷中
薛據 葉季良 李端 韋應物

白題小照

霜髯數輩新。更逢身外身。焚香居一室。對影成三人。不復知憂樂。無途同苦辛。圖形期自見。心跡竟難陳。

杜荀鶴 鮑溶 李端 李宗白
儲光羲 皎然 元宗

遊倪池

行玩菊叢秋。依然見昔游。荒城臨古渡。曲渚颺輕舟。幽步更超越。賞心隨去留。莫愁歸路遠。明月滿揚州。

李迥秀 李白 王維 崔湜
錢起 李頎 孫逖 杜牧

春閨

眞成薄命久尋思。誤嫁長安遊俠兒。清露下時傷旅鬢。黃金何日贖蛾眉。花開花謝常如此。春去春來那得知。慙愧流鶯和厚意。百般言語滯空枝。

王昌齡 崔顥 許渾 白居易
羅隱 孟郊 韓偓 方干

愁坐蘭閨日過遲。梁間棲燕欲雙飛。風飄雨灑簾帷故。海闊天長音信稀。深院不關春寂寂。高樓獨上思依依。分明更想殘宵夢。聞道隣家夫婿歸。

羅鄴 徐寅 白居易 宋之問
韓偓 皇甫冉 吳融 魚元機

寄黃松谷之任蒲州

地從桃塞接蒲城。到日方乘竹馬迎。千里一官嗟獨往。三年五度換雙旌。落花啼鳥紛紛亂。野草閒雲處處生。羽扇搖風卻珠汗。謝安春渚餞袁宏。

韋莊 白居易 李融 王建
王維 皎然 李頎 高湘

金陵懷古

今朝此地成惆悵。故榭荒涼路已迷。萬木自凋山不動。六朝如夢鳥空啼。晴花處處因風起。落日亭亭向客低。更使輕橈徐轉去。莫愁家住石城西。

韓偓 溫庭筠 李羣玉 韋莊
蘇頲 劉長卿 皇甫冉 吳融

次鄂州

雲間遠見漢陽城。江水依然浩浩聲。單影可堪明月照。片帆難駐好風生。鱸魚斫脰思張翰。鸚鵡題詞羨禰衡。欲逐飄蓬向歧路。不知何處是前程。

盧綸 薛能 吳融 李中
鄭谷 紀唐夫 黃滔 羅隱

泊礮塘灣

巖壑漁機幾處逢。泊舟應自愛江楓。秋山古寺東西遠。野徑荒墟左右通。浮世本來多聚散。餘生只是任飄蓬。漢陽雲樹情無極。戍壘依稀入望中。

徐寅 郎士元 李紳 張南史
李商隱 劉長卿 司空圖 羅隱

題黃鶴樓

江邊黃鶴古時樓。崔顥題詩在上頭。雲靜獨看秦塞雁。日高遙望洞庭舟。岸南岸北往來渡。烟淡烟濃遠近秋。行子不須愁夜泊。碧山重疊水長流。

白居易 李白 上官儀 趙嘏
崔翥 杜光庭 武元衡 孟賓于

登岳陽樓

洞庭湖上岳陽樓。萬里風烟接素秋。轉櫂擬從青草岸。設屏惟畫白蘋洲。遠邨寒杵催鄉夢。近郭幽鐘動客愁。溪畔望河多鶴跡。神仙曾向此中遊。

李商隱 杜甫 方干 李中
譚用之 柳宗元 李山甫 劉滄

和團雪齋河亭納涼

臺榭參差積翠間。忙人到此亦須閒。鶯啼遠墅多從柳。竹映高牆似傍山。紅壁倚窗香漠漠。白雲長在水潺潺。相逢莫厭杯中酒。醉帶南陂落照還。

薛逢 白居易 盧綸 薛能 劉禹錫 許渾 李咸用 鄭谷

七夕戲贈友人攜姬歸里

橋頭秋夜鵲飛頻。上界稀逢下界人。弄玉已歸簫史去。曝衣多笑阮家貧。百年膠漆初心在。七夕瑤筵往事陳。淮水東邊舊時月。少分光影照沉淪。

王初 方干 趙嘏 司空曙 白居易 王渙 劉禹錫 元稹

贈吳梅查

酒杯書卷綴新文。氣秀情閒杳莫羣。才子舊稱何水部。詩家今得鮑參軍。敢同俗態期青眼。遙結芳心向碧雲。一覽綵箋佳句滿。落英飄葉雪紛紛。

元稹 李中 韓翃 楊巨源 唐彥謙 楊衡 鄭綸 武元衡

三月晦日

三月正當三十日。一年又過一年春。眼前好惡那能定。夢裏輸贏總未真。晚蝶殷勤收落蕊。殘英淅瀝染輕塵。可憐明鏡來相向。自覺風光不屬身。

賈島 崔敏童 張籍 李山甫
李商隱 鄭愔 高蟾 白居易

招隱寺

閒遊寺觀從容到，數處皆坼石壘成。
軒檻暗傳深竹逕，谿花不隱亂泉聲。
風生碧澗魚龍躍，錫響空山虎豹驚。
多少人過經此去，含毫誰是憶昭明。

元稹 馬戴 魚元機 法振
曹松 許渾 張翥 陸龜蒙

甘露寺

連山斷處大江流，甘露門開峰朵頭。
舴艋何曾離古渡，鷓鴣空自泛寒洲。
丹霞遙映祠前水，碧樹仍逢嶺外秋。
悵望南徐登北固，片雲無數是揚州。

白居易 李洞 張翥 王昌齡
胡曾 項斯 皇甫冉 皎然

過九華山

九華幽徑少人行，青石潛流暗有聲。
地壓龍蛇山色別，樓懸日月鏡光明。
塢中橫笛偏多感，風裏孤雲不計程。
高下麥田新雨後，寒禽野水自縱橫。

胡曾 李紳 王建 廣宣
胡宿 方干 杜荀鶴 司空曙

遊虎邱

虎邱山翠益崔嵬。複閣重樓向浦開。幽竹自隨塔下立。流鶯直到檻前來。窗間半偈聞鐘後。郭外殘潮帶月迴。次第引看行未遍。莫驅歸騎且徘徊。

黃酒 王勃 元結 司空圖
溫庭筠 曹松 項斯 施肩吾

登韜光絕頂

問法尋僧上界遙。開門長望浙江潮。春臨柳谷鶯先覺。花落梅溪雪未消。烟月蒼蒼風瑟瑟。青山隱隱水迢迢。夜深雨絕松堂靜。誰向禪心得寂寥。

武元衡 張籍 陸龜蒙 無本
白居易 杜牧 鄭谷 李類

雲棲寺

路轉橫塘亂水東。偶拋煩惱到蓮宮。九溪瀑影飛花外。千樹蟬聲落日中。深洞長松何所有。青山明月不曾空。悠然到此忘情處。歸去仍須入俗籠。

趙嘏 盧延遜 鄭良士 戴叔倫
王維 王昌齡 溫庭筠 方干

禹穴

秦望峰前禹穴西。小橋虛閣半高低。山中舊宅無人住。壁上新詩有御題。波水洋洋雲黯黯。江烟澹澹草萋萋。正穿詰曲崎嶇路。畚插東南盡會稽。

劉禹錫 雍陶 戴叔倫 張翥
司空曙 無本 李羣玉 李紳

過桐廬

錢塘江盡到桐廬。偶滯長途半月餘。路遠漸憂知己少。情高原與世人疎。嵇康懶慢仍耽酒。方朔家貧未

有車。何以嚴陵灘上客。一竿竹不換簪裾。

漁翁

物換星移幾度秋。擊烟閒弄個漁舟。波翻極浦橋竿出。潮落空江網罟收。身坐春風何浩浩。心隨湖水共悠悠。祇攜美酒爲行伴。不愧人間萬戶侯。

王勃 陸龜蒙 權德輿 李鄠
方澤 張說 白居易 胡曾

送徐芳鳴之嚴州

扳歡甚少惜離頻。更欲隨潮向富春。藥圃地連山色迴。石渠秋放水聲新。江城夜別瀟瀟雨。花市香飄漠漠塵。應笑強言河畔柳。年年攀折爲行人。

錢起 韓翃 劉洽 白居易
許渾 韋莊 沈下賢 戎昱

過友人幽居

別墅蕭條海上村。清風滿座絕塵氛。門前學種先生柳。嶺上猶多隱士雲。溪瀨自吟朱鷺曲。嵐烟長鎖綠苔紋。暫來此地歇勞足。獨聽蟬聲日欲曛。

吳融 字 融 王維 李商隱
降龍蒙 蕭翼 清塞 劉洽

江世棟 字 右李 儀
徵諸生

五日集飲蔣前民先生草堂

常愛元卿徑。風光小院幽。一亭依竹樹。五日醉羊求。山月白初上。池烟青自浮。不知人境裏。佳趣得滄州。

江 昱 字 實谷 號 松泉 江都人 讀書嗜古 以詩名于時 最工詠物 刻貌鑠形 字簡萬態 小原深厚 非元人纖巧可及 卒于乾隆年間 所著滄洲聽雨錄二卷 韻岐五卷 松泉詩集六卷

梅花斷紋古琴歌爲程泚江太史作

嶧山之陽桐孫枝。年深漆黯紋圻龜。脉之有形按無迹。箇箇纖線圈仲圭。古錦乍脫檀几靜。落英零亂參金徽。恍如雪殘月墮石橋夜。疎影倒浸寒潭漪。我聞樂中最古琴。第一梅花標格花中魁。孤清兩絕恰相映。牛毛蛇虺瓊粟飢。落花流水自成趣。鳳仙染甲徒爾爲。又聞梅花大小乃是橫吹曲。那如常伴希音徽。壽陽額上偶妝綴。古春不逐穠艷姿。假如橫琴坐花底。泠泠十指生涼颼。飛來一片羅浮雪。滿身清影香披披。雖無年月及款識。斲者應是西蜀雷。古光瑩瑩紋理密。響泉韻磬何足追。摩挲盡日坐秋暉。請君試把玉軫移。不須更奏松風操。領取寒香出素絲。

金錯刀歌

刀取其利泉取流。錯金無乃譏雕鏤。新莽事事襲周禮。卻以吉貨參私謀。卯金運否容窺竊。五銖漢制遭棄投。今千七百一十載。土花翠蝕燿黃鏹。拂拭卻歸好事手。五千珍向囊中收。冷光一片紋苔秋。絲絲瘦篆盤蝸牛。白水識成赤符起。不用感慨誅鉤侯。松醪縱好勿輕酬。美人之贈懷四愁。

貽肝

五代干戈地。憑高送遠眸。山連淮甸夕。水入泗城秋。豚酒神祠社。魚鹽賈客舟。都梁有香草。欲采獨無由。

斑魚

腥風捲潮汕如霧。滑滑千頭紛莫數。黝黹亂瀝鮐背黃。湘竹離離漬烟雨。無鱗但皴蕨藜刺。豕腹蠅睛究誰怒。鼎娥巧饌芼菰薑。嫩白魚之甘俗稱白。甘鮮勝雪乳。通身之腴不僅腹。溪蟹何足克徒旅。風味占斷荻花天。水族欲補加恩譜。天憐食單入秋薄。產此續作九鮮主。是否河隄能殺人。髯蘇幾爲清饒誤。老饕放膽不須拌。匕筯直欲空簋簠。歸興不解張季鷹。但爲鱸羹眷淞浦。

西園感舊

寂寂年光送暮春。謝家池館暗芳塵。東風腸斷知何處。滿院楊花不見人。

墨晶眼鏡歌

麻茶哆淚籠烟嗽。垂簾靜晝空花翻。黑河片月巧磨琢。涼陰直沁銀海源。鸞鷟之名不能肖。寒芒遠攝真冥魂。知白何如獨守黑。元之又元衆妙門。嗚呼水晶是水目。是火內景外景非能渾。幽光綴綴出黑漆。以間生明理所存。世儒慎勿歎吾惜。黠雲兩朵無纖痕。展卷朗如珠燭夜。真僞到眼吾能論。

鄂王玉印歌

印大徑寸。白文。刻岳飛私印四字。太湖漁人網得之。今爲吳郡孫氏所有。佩之可已瘧。雲間友人微予作歌。

瘦蛟泣雨天風颺。五湖水立秋冥冥。瑤瓊激起怒濤裏。珊瑚鐵網寒東丁。纏屈花虬四窠字。忠武之名凜生氣。金牌鬱勃孤臣魂。碧血浸淫紐閒瀆。紅羊一劫神龍居。精靈脈怪良非虛。臨安君臣權場市。孩兒空剖黃花魚。

舍弟以五十六字見懷和韻不得率成長句

飛鴻千里落詩窟。暮眠朝食連吟謳。後先七子自成社。烟月凋悴雲山愁。糠粃在前笑我慣。揮毫得意詩牌裘。漢竹齋挂牌詩于臨安。三十錢。一首。停筆磨墨。倒罰十五。弱弟相思裁短韻。展向風前感霜鬢。遠廊索和寒日陞。一字難安獨慳吝。豈緣落魄清興頹。老兄筆禿無花開。幾日惠連縈夢抱。池塘得句空春草。雲箋十幅不能書。愧爾鳳樓常獨造。江風漢月山嶢嶢。破窗木葉聲颼颼。摩挲破格草長句。聊爲遲鈍求解嘲。噫嘻把讀應脫頤。騎驢覓驢兄誠癡。

湖口舟中書櫟門詩後

北風吹水立。三日空江留。一卷冰雪辭。靜對祛煩憂。窅然舊孤吹。汰盡蕪音浮。秋山秋水骨。古澹不可收。醉飲公瑾醇。沈吟懷古修。推篷山巖息。微月生遙洲。

遊廣濟陽城山洞

虛牝山半啓。巖扉蕩嵐碧。小憩聽暗泉。下逗嚙口隙。僂僂劣容軀。一闌中復窄。導往欣漁人。桃源儼仙宅。猛炬除幽陰。蝠飛老踰尺。叢磴森爪牙。躡足搖餒魄。給筴倏開張。連卷費探索。巨靈呈異撰。列中代分壁。下上非一區。風雷萬象闢。鍾乳陵空懸。華繳紛髮積。桃實盈盎飭。纍纍壓千百。誰留玉甌飯。饑津轉喉噎。洪鐘與巨鼓。鼓聲殷躡革。或嵌古佛龕。或飛大人鳥。種種難具陳。見之各笑噉。扳躋升別天。寬廣容十席。穹頂瞻漏光。詭態朗可悉。棋枰寧世局。混沌不待畫。其上門黝然。踰視瞰行蹟。子洞穿四旁。中紆從所適。相傳好事者。窮搜七晨夕。彌嘆大造私。經營供來客。平生攬山誌。懷茲歲屢易。輕軫數經過。空提謝公屐。譬到鄴架邊。異書不開冊。高興偕勝緣。結念一朝釋。幽蹤雖未竟。勝槩聊已獲。遵循舊逕歸。天風生兩腋。寒香滿空山。江湖渺遙白。來舟恐潛移。茫茫換今昔。

新柳用香山柳枝詞韻八首

大堤冉冉寒初解。南浦差差綠漸吹。來時雨雪悲游子。又見鷺黃島島枝。大別寺前金縷樹。武昌門外綠絲條。便是天涯好春色。盈盈偏夢小紅橋。

東風擡舉日青青。掠霧捎烟煞有情。到得成陰渾不管。藏烏偏許共藏鶯。
青粉銅鋪出繡旗。秋千正及早春時。殘寒料峭門關閉。不肯輕陰傍馬垂。
風流濯濯漸堪誇。嬌妒吳娃與越娃。可惜空江千萬樹。十分春思落誰家。
常年張緒擅芳名。漂泊那堪此日情。惺惺未得東風力。早促陽關腸斷聲。
筆花空賦江淹恨。帶孔頻移沈約腰。怕得春來惱春緒。禁他酥雨變柔條。
纖痕淡掃窈娘眉。辛憶江南碧嫩絲。眼看春色垂垂徧。回首鄉關失後期。

新秋集小漪南時琴友徐錦堂至自九江談琵琶亭之勝各賦長句

江州司馬千年蹟。樵使風流境重關。徐生抱琴冰暑中。能作琵琶語幽抑。
歸來爲話佳景殊。月榭風軒閒楓荻。江光蕩漾儘忘機。樓閣到此忘機。碧瓦梵鷗飛隻隻。以藝鷗置橋間。公餘領客追清娛。
遠宦渾忘地偏僻。清壚增塑香山翁。高挂詩牌待遊客。時牌四片挂壁。來者輒問其上。我曾三度叩江關。
泉幣不征征翰墨。至今夢遶潯陽津。白月空江景如昔。紅蕖濕雨又鶯愁。
四座無言水閣秋。不如煩君手爲口。爲我重彈憶舊遊。

西洋顯微鏡小景歌

石脂琢桃如指頂。中虛生白天地寬。玻璃小牖瞪魚眼。幻境恃此生波瀾。
諦眎競學溯東眇。不禁叫絕驚曠觀。樓亭樹石靡不具。尤奇天水迷茫閒。我聞西洋人最巧。碧眼精瑩窮杳渺。
鏤粟作佛珞核船。茲獨別

天藏細小。外不加大裏不縮。有若鷺籠難測曉。引入入勝不忍釋。翻恨傳觀客紛擾。洋人心巧真不同。棘
猴楮葉徒爲功。盡取名勝替閒景。五嶽倚華衡恆嵩。極諸海上三神島。無不可納之壺中。臥遊頃刻周寓
內。舟車底事勞西東。

蓮性寺東園追念故人賀吳村

選佛場東小築幽。常年日日放輕舟。鶯花短夢過寒食。烟雨橫塘感舊遊。百歲猶應戀魂魄。一杯何處醉
松楸。歸葬山右。前題漫滅山僧換。誰識東來客姓劉。

二十四橋吹簫引

叫雲紫鳳愁烟空。碧波迤邐排長虹。飛瓊弄玉渺何處。芳霧襲人疑夢中。月高臺殿搖花影。金粉冥冥霜
炯炯。清風迢遞咽復颺。夜靜愁唇怯春冷。紅闌雁齒香塵積。銀浦雲凝錦機石。水調無端玉笛飛。碧霞吹
斷東方白。

象生花歌

剪風裁露金刀澀。十指生春青帝泣。花奴羯鼓不須催。頃刻芳菲殷七七。同時豈獨桃李梅。春蘭秋菊參
差開。軍持曷曷照硯席。入簾粉蝶時飛來。天花一室維摩戲。未要尋芳縱游騎。鏡中花影鉢中蓮。何必當
前辨真僞。

尋影園故址

卜築曾開在水湄。當年樹石總無遺。江湖白鷺盟初踐。城闕青燐劫早移。叢荻烟波春外影。奇花風露夢中詩。荒塍一片關興廢。洛下名園作記誰。

王蘭成趙璞菴曹來嬰嚴東有凌靜軒吳梅里集對琴書屋分得理字

故人天際鴻。清風忽來止。虛室闔市喧。招呼及諸子。風簾暑氣微。冰絃素商起。叢蘭發紫莖。幽意靜如水。抗襟暢雅懷。高談送涼晷。卜夜開清尊。烟權未須理。

己卯九月衡山大令高君道錢籀石太史于次公民部舍驕從登嶽不禁艷羨紀以長句

衡陽實郡衡山根。冰齋兀對青蛾痕。七十二峰僅到七。回雁。岫樓。巾紫。白石。白雁。嶠樓。中紫。白石。白馬。曉霞。采霞。略涉豈足云窺焚。嶺表皇華急歸觀。兼程遄赴蒸湘濱。道旣不紆日不曠。蛇徑直上南天門。天風高飈砭肌骨。捨輿乃效騰厓猿。拾堦共繹唐宋字。捶搗免令官吏煩。蝠飛徑投上方宿。謝賊不至驚羶髡。曉起開門駭未覩。絮雲滾滾來穹軒。須臾如水瀉平地。舉目浩蕩烟海屯。雲收俯視衆峰拱。堆皺奚止羅諸孫。雖然奇妙難徧領。所歷要已怡心魂。勝情恰與勝緣并。坐非恨不從攀援。下山漸覺陞午景。傳舍祇待紛炙爓。掉頭不顧上馬去。山中芋朮飽且溫。

雲巖學士出沈獅峰烟江帆影圖題時在衡州試院

西風結層陰。江天靄將夕。微聞數聲鐘。不辨香林迹。隱現天際帆。鄉心黯愁寂。寫自玉堂客。高館槐雨餘。摩挲展良覲。湖南久客情。觸忤烟中席。安得陵孤亭。高吟破空碧。

江

旻字扶五。一字堯塢。儀徵人。舉人。

砧聲

寂寂清秋夜。丁東萬戶聲。持殘騎客夢。驚起故園情。霜冷邊城角。風淒小院簾。起看銀漢轉。曉月正參橫。

江德堅

字庭堅。儀徵人。昱子。秋史侍郎德量之從兄。諸生。以秋史貴。馳封翰林院編修。

衡岳觀音巖

幽尋興不已。谷口趁斜曛。曲磴下黃葉。空巖餘白雲。松經塵剗秀。泉過石橋分。半席能容我。鐘聲午夜聞。

舟中懷秋史第

團聚湘東久。還家意轉悲。春雲迷嶽色。花雨滯江湄。竹屋連牀夜。蕉窗共話時。雁回人共遠。惆悵影參差。

江德量

字成嘉。號秋史。儀徵人。世棟孫。乾隆丁酉。選拔貢生。己亥舉人。庚子榜眼。授編修。監察御史。內閣

未成。能畫人物花草。以北宋爲法。善八分書。所書武成王廟碑。一時重之。性情謙退。入樂與之親。所畜古秦漢碑。唐揭帖。宋板書畫最多。詩不多作。作亦隨手散失。今搜輯數首。存于集中。非其愜心之作也。

渡河

十五女兒宛轉歌。玉醅香進金叵羅。門前柳色濃於酒。何事郎心欲渡河。

天津邊庵總鎮 蘓寧阿 以茶鹿見餉

分到芳廚慰藿藜。水經仙籙費黍稷。風生盧腋醒狂客。書仿顏筋餉病妻。曉藥江梅香細翦。春茸澗草綠初齊。書生小潤談兵口。犄角還從縛尉犁。公晉立戰功於西域。

題王樓邨先生十三本梅花書屋圖用查初白先生韻

花前寫真事已奇。夢裏看花誰見之。忍冬老人乃畫夢。馮鴻臚之鼎作圖。心花幻出冰霜枝。歸臥草堂風日好。鶴書

不怕山靈移。前身明月來無迹。寫出性情非人爲。羅浮仙人抱冰雪。不喫梅花寧苦飢。青瑣長物幾得失。

嘗失去十數載。先生曾孫少林太守。復購得之。嘗在京師程魚門先生寓。一夕偷兒入室。衣什一空。而此卷無恙。展卷觸鼻香還吹。枯槎倒亞瘦蛟偃。春陰濃壓茅檐卑。

書幌午垂石屏護。茗椀香鑪安置宜。巖然一翁坐擁膝。清風兩鬢炯霞姿。木蘭權妥春波闊。白須者誰副

來遲。化百東坡影搖蕩。仙耶佛耶人誰知。寫真能寫夢中叟。神妙直是非夷思。文孫築堂踐吉夢。排門登

石知爲誰。少林構堂以實之。嘗有大力士者。掛圖並其石以去。且種梅花十三本。曰真曰夢皆非痴。

王少林太守藉山讀書圖 太守里居。有藉山樓。官汴陽時。署按鳳山之麓。據小閣讀書。用里居舊名之。

借書人云癡。借山事益寡。不辦買山錢。林壑寄瀟灑。結構就岩麓。編地去榛瓦。坐我松桂扉。言念粉榆祖。拄笏對雞籠。初志用自寫。吏散山翠深。一卷時復把。風細鱸篆高。花開鳥聲姪。無何別山去。載書勞我馬。青山無處無。塵埃未能捨。此卷長隨身。此山成久假。

辛亥秋以官通驗舊文牒至亳州重遊咸平寺實際上人以梁間山大令書府君救災記碑本見遺且索予書末用東坡詩意

二年魚鳥識江郎。父老憐予鬢已霜。懺應重來誰授叢。戀生三宿豈因桑。遺碑墮淚初封藓。斷墨籠紗尙挂牆。方丈有府君手書牆榜。爲叩閭通仙長老。夢中飛蓋是何祥。

亳州東臺僧正修酒人也而逃於禪善以蠶桑木瓜作麀先大夫守亳時每歲九日輒偕賓從登高宴集於其地未嘗不茗芋也今正已化寺頗荒廢

林樾蒼然東郭隅。嘗傾菊盞泛茱萸。趣分賢聖眠狂監。味徹中邊憶蜜殊。一宿已驚飛鳥過。三生還見牧牛無。山林軒冕同泡幻。興廢空教怨芘芻。

晤馮然山四首

糴糧買酒老參軍。蹋鼓官衙曙色分。惠政行推衆父父。虛懷合作此君君。溫柔鄉每紆清夢。租稅場猶說舊聞。忽出宦囊驚一座。繞堦玉樹盡干雲。君三子皆宦時生。

郎君今日窺東閣。葛帳勞君雪涕尋。萬箇凌寒惟竹節。十年學道愧蓬心。快談并剪分秋水。舊事淮山渺故林。燈燭光中如夢寐。可堪鄰院送寒砧。

已分儒冠老蠹蟬。却教世路歷嶽壑。鼠藏鄭襲羞言璞。鳥避韓九肯逐金。素月中秋無限好。朱絃三歎有

遺音。西風庭樹悲搖落。看取來年十畝陰。

鷺兒春色引杯光。舞扇新詞割錦囊。

時出無題詩四首
書之於扇

不及情人非太上。求安心藥更無方。大壺祇用浮江

海。北斗何須挹酒漿。句自梅花心自石。悠然麈尾晚風涼。

題黃山始信峰麗田老人琴臺

世間奇境乃有此。雲海濤頭一峯峙。高削千仞中忽分。隔斷塵蹤三萬里。與府天開清淨門。危橋支石驚
心魂。是中止可住仙佛。雲連霧斷愁猿獐。松花香覆石屏護。翠微深處清音度。空山無人雲亂飛。寂寂彈
琴幾朝暮。君不見上方僧。倚筇瘦影臨青冥。又不見寒江子。斷墨何年蝕風雨。定空禪室獨坐處。靜與琴
臺共千古。

金陵六佳園弔古

中山池館碧溪濱。喬水荒涼蹟就湮。朱爵已迷巢燕宅。青門並少種瓜人。祇餘苔蘚滋三徑。大半樓臺屬
四鄰。更上危亭看落照。鍾山東麓鎖烟榛。

中山王墓
在鍾山下

寒山一片枕荒烟。兵燹風霜四百年。樹擁晚花開病葉。池憑春雨長新泉。吟軒莫問竹誰主。醉社空留茅
數椽。刼剩紅羊銷未盡。芟荆拾得舊金蟬。

題梧門先生禪悅圖

盡把塵根愛葉鋤。清齋松下證如如。巖花落處沾襟袖。綺語由來未埽除。
豈是隨堂粥飯僧。九年而壁坐來仍。生天早漫輸靈運。似箭機鋒悟未能。

次韻梧門學士見懷

駒隙三年景。衝寒感重來。勞君吟五字。懷我日千回。靡占西頭屋。橋憐上苑梅。好於禪榻畔。和約話春醅。

奉題時帆先生溪橋詩思圖用覃溪師詩韻

看花來北郭。訪竹過東橋。室爾人千里。溪斜水一條。閒心芳草長。塵夢曉鐘消。此日披圖見。吟成膝自搖。
水流雲在意。同此證初心。選石坐春晝。惜芳穿故林。別驚詩力健。豪忘酒杯深。得句時還讀。琅琅和素琴。

拈題邇英閣。親試御毫曾。地密依香案。歸遲擁院燈。

時帆近允講官提調院事。

登臺看袞袞。執卷尙兢兢。笑問源頭水。

生寒可勝冰。

陸領堂同年廷樞。時帆所受業也。後爲同榜進士。

卅載論交久。謂覃溪師。殷勤賦小詩。願言崇舊德。努力答清時。裙屐三春會。文章百世基。毋須布帆底。苦詠

野風吹。

中

市字及市。號笏山。江都人。少時僑寓浙江西安縣。雍正乙卯。闕浙總督大學士嵇公曾琦。以布衣薦舉博學鴻

拔。律調允奸。五言如雨聲先到寺。山色半歸雲。面爲吟詩瘦。官西愛酒辭。明月白千里。梅花香一樓。七言如
二三里外未嫌遠。五六日來今始晴。千絲屋角收殘雨。一縷山腰漏夕陽。十載已諳爲客苦。一生竟坐作詩窮。客
路蕭條多聚散。詩人流落滿江湖。胸中湖海雲猶在。壁上星霜老欲成。吳姓與君同骨肉。故人如我尚塵埃。東風
簾外繞三日。芭雨聲前恰十人。皆雅極自然。近于香山。元覽聞人誦副憲京師鄉試放榜詩云。古來重九西風冷。

明日長安落葉多。
今不見于集中。

醉後讀白集因效其體

無詩亦任蹇驢閒。有酒能令稿而丹。斷簡殘編看過日。麝繪大布著忘寒。窮山命賦營何益。狂是天生改亦難。醉後獨吟長慶集。古人心境本來寬。

趙姬墓次趙恆夫黃門韻

明衢州守報公。有姬人趙氏。廣陵人。妙音律。尤精琵琶。歸二年卒。葬城西鹿鳴山側。黃山趙恆夫黃門。賦詩用之。刻石寺壁。吾友盧月川見之。吟玩不能自已。

遂和其韻。且謂余曰。與君有桑梓之戚。尤未可以默默也。亦賦一首。元按衢州時。聞武出西門。見鹿鳴山。令人記之。墓碑尚在。諸詩猶刻石嵌東嶽廟壁間也。

幽花滿路傍。寂寞無人插。行行過古墳。荒烟淡欲滅。不見錦鴛鴦。空飛白蝴蝶。剔蘚讀殘碑。慘然不成悅。難留塞北花。易盡江南雪。至今山下泉。空學絃聲咽。我本廣陵人。飄零正愁絕。睹此一心傷。題詩弔重穴。應憐碧草多。啼盡王孫血。

晨起過柯南陔先生署齋

新秋天氣佳。偶出趁清曉。牆陰一逕微。香露流蔓草。剝啄叩松扉。主人驚客早。呼童旋煎茶。竹外烟裊裊。手出黃絹辭。風流見二老。以和草履翁寄懷詞見示。維爾久循環。芳馨襲懷抱。從容問奇字。指示析微渺。遂令塵土胸。障礙一時掃。須臾朝日上。團團出林表。苜蓿羅盤飧。留我與共飽。平生如老崔。頗笑窮百巧。更期古柏陰。晚來看參昴。

古鍾吾國驛

人家一簇聚平蕪。雅有炊烟慰客塗。枉是嬴秦分郡縣。至今猶道古鍾吾。

沂州道中

疎疎楊柳拂人頭。野色山光爛漫收。却笑詩人顧十一。馬蹄駝夢過沂州。

蒙陰道中

驢背詩情勝在家。夕陽影裏帽簷斜。聚林桑泊蒙陰道。處處秋風吹荳花。

送朱子年給假南歸

都門九月天欲霜。擔頭黃菊飄秋香。騎驢走送故人別。空庭老樹多斜陽。相逢一笑暫相對。眼前歧路愁茫茫。君今官職已入手。頻年珥筆趨明光。畫繡豈欲誇世俗。萊綵自要娛高堂。同行况復有兄弟。孝廉船繫津門旁。而我飄零墮塵土。青衫憔悴行偃偃。三分水與二分竹。平生意望非難償。君歸倘或念羈旅。攜我清夢還江鄉。

送方蘇臺

我山太末之錢塘。六百里路山水長。客星亭畔最清絕。爭流競秀相低昂。此中固知有奇士。欲訪未及停舟航。竭來京華接幫屐。乃得我友周西擊。與方兩君居處雖異縣。翠巖千尺遙相望。噴雲吐霧飽山水。刻

畫圭角窮毫芒。自然耳目得清氣。况兼家世能文章。臨池弄墨浣衫袖。餘事亦足追鍾王。門前求書日幾輩。縑素戢戢堆盈床。偶然數字落人手。寶之什襲同珪璋。齊飛自合比雙鳳。蓬山頂上春茫茫。那知遇合各有命。造物用意真難量。髡周登朝久不達。七年中舍看廻翔。而君四十不得志。春明兩踏槐花黃。聲名滿世竟何有。鏡中已見星星霜。別人乘車我戴笠。蹇驢瑟縮無輝光。招呼友朋作痛飲。酒痕狼藉霑衣裳。有時罵座等劉四。旁人大怪狂生狂。無端決意謝場屋。宦味欲就風塵嘗。公卿競挽不肯住。毋乃激烈摧中腸。稍欣捧檄得近地。不異手版還耕桑。人生有才隨所置。經濟亦可安農商。方今紛紛就選舉。得官豈必皆巖廊。爲君歎惜復相慰。賢人古有司封疆。海濱無事租稅足。作文寫字寧相妨。桓寬倘著鹽鐵論。小楷更爲草歐陽。郵筒千里幸寄我。沈鱗羈羽毋相忘。詩成一揖送君去。北風獵獵吹行裝。

題張南華桃花

春山濛濛隔香霧。開遍桃花一千樹。暖紅濕翠泛晴光。高下參差迷去路。百年臺榭已荒蕪。馬市村邊景物殊。風流賴有南華筆。爲寫名園入畫圖。

書范文正所書韓昌黎伯夷頌後

蔡米蘇黃並策勳。當時未說范希文。故知筆正由心正。莫厭家雞羨右軍。唐宋人皆重兩公。忽逢雙絕此圖中。也須一例稱韓范。又與名臣傳不同。

七月朔日籙石招同地山少宰小集山齋爲鴻博同年之會兩公各賦七律六章予亦如數和之書

于籙石所畫歲寒三友圖後

錄三首

山館涼生面而風何分賓主此情同故人海內今餘幾往事樽前話不窮各有姓名留薦牘儘多酬唱入詩筒衰遲倍切齊年誼氣類相關在始終

接葉亭邊落葉寒紛紛送客出長安

丙辰秋冬之間屬樊榭沈東甫沈幼牧進耕石汪德鼎諸君同寓于接葉亭試畢先後出都同人咸于此餞別

重來我只常資進

晚達君猶本分官未敢便爲徵士老不妨仍作布衣看

風流畢竟推前輩早向雲霄刷羽翰

少宰山乙卯中書丙辰中式

改庶常予與籙石並爲後進

尺五城南集衆仙歡場一散逐風烟

庚辰初夏劉繩庵相國邀同裘漫士司空王晉川廷尉陳甸山太僕楊三思侍讀王孫同觀察會于華亭相與舊邸之錫壽堂時余與少宰閣學亦與焉

多生那得離文字後死何容卸仔肩醉後吟聲驚戶外雨餘山色入窗前八人尙有三人存似得天憐亦

自憐

鄭景誠

字秩虞號默齋又號一愚如阜人乾隆時官工部郎中性格淡壯歲卽歸敦行樂善苦有伴閒日鈔養正元詮敦行錄若干卷既沒其友人檢錄近體數十首爲寶開堂稿一卷

秋日懷蔣二柏原之官寶雞

匹馬向西征關山今幾程秋風渭水渡落日灞陵城別跡成鴻爪離懷托雁聲遙知烏帽好畫意冷官清

柏原工丹青

秋燈

四壁聽虛籟。孤檠竹屋陰。簾涼宜夜永。窗破怯風侵。瘦菊如人影。寒蟬答客吟。結花亦無賴。搖落此時心。

保培基

字岐菴。號西垣。通州諸生。佐使相稽文敏公幕中。於河務多所建白。越一載。浙海水溢。上命稽公往理。公襄其役。東四兩塘岸。亘百餘里。公與稽公駕小舟。由錢塘而下。經大尖山。直抵海門。勘審地勢。得切沙法。隨發兵夫數百人。且切且疏。視朝之漲落爲作息。不二年而大工告竣。稽公以公稱職入告。授嘉興海防同知。旋調杭州西海防同知。晚以詩酒自娛。著有西垣集。

秋夜懷家西岐客都中

離情逐秋葉。一往爲陳跡。離思比秋聲。疾徐不暫歇。吁嗟頻別君。秋光已兩接。昔滯玉門關。今作幽燕客。其間縱相逢。相逢亦恍惚。憶予少長時。何嘗違咫尺。胡乃比年來。去去從塵役。風雨夢魂勞。關山形影子。無何物候移。良時失超忽。清露逼人寒。藤蘿挂落月。對此重離思。心豈同木石。前者君戒途。鬚髮早如雪。後此若見君。料無餘可白。與言兩心傷。養養不終闕。

沙漲

鮫宮一夜湧平沙。潮去東南萬頃賒。魯鼈不教爭海角。夔龍何事到天涯。欲知柳毅傳書驛。須問張鷟奉使槎。回首可憐舟楫地。幾能封領事桑麻。

羅興禱

字履中。號蘭塘。儀徵人。乾隆登西科舉人。初官浙江宣平景靈仙居遂昌等縣。改山西祁縣。歷任賓垣定襄五台等縣。又署平陽府通判事。卒年六十九。

乾隆丁亥仲秋喜晤遂昌學博王南亭先生世芳

吾愛王夫子。康強百歲人。一官培士氣。五世樂天倫。屢坐青氈破。重添白髮新。杖鳩何用刻。龍馬遜精神。交遊無耨輩。孫子已成翁。獨以年華邁。兼邀禮數崇。齒尊鄉父老。名著浙西東。我正懷句漏。何期遇葛洪。

隋宮古鏡歌

蕪城土人得古鏡。有隋大業官家印。秋水塵封黯不明。青銅半蝕苔花潤。當時帆錦住揚州。三千殿脚擁宸遊。濃香膩粉逞顏色。鎮日開奩坐翠樓。無何玉骨成塵土。月黑空山夜飛雨。魂悽故國杳難歸。畫閣樓臺何處所。嗟哉人亡鏡亦亡。千載地下埋幽光。遺簪斷珥已耕盡。不道寶匣猶埋藏。一規在手深歎惜。與廢茫茫照不得。玉勾斜塚久銷磨。吁嗟鏡乎徒爾何。

汪

字仲升。一字殘廢。儀徵人。于東城圖畫舊址。搆水香村墅。與四方詩人交。一時稱盛。著水香村墅詩十二卷。

曉寒曲

紗牕月落曉風輕。枝頭恰恰啼流鶯。好把銀箏學鶯語。簾波欲卷寒泠泠。砌滿煙痕濕未埽。凍蝶雙雙滯芳草。鏡臺倚處起春愁。梅花如夢香還老。

甲戌杪秋小盡日。招同鄭板橋。繆客船。黃北垞。蕭鄧林。張煦齋。陶韻亭。金麟洲。廖禹門。沈玉崖。方竹樓。方介亭。徐荔村。藥根上人。集百尺樓。以趙嘏殘星幾點雁橫塞。長笛一聲人倚樓。句分韻得人字。元英歲已近。白帝行別人。倚樓心杳渺。年光空逡巡。西風吹不歇。落葉聲頻頻。大江橫樹杪。足練光如銀。

遠山起寒色。瘦削青嶙峋。醉吟勿歸去。此夜猶蕭辰。

水香村墅落成

窗開四面畫圖舒。傍水清吟倚檻初。翠逼生衣新竹葉。紅侵小簾舊芙蕖。應愁避俗終難得。卻笑忘機已自如。世故此間須屏絕。但將杯酒伴琴書。

汪文珂

字鳴蟬。一字芝田。礪巖仲子。未三十卒。著清影軒詩一卷。

水香村墅

紫藤花最繁。纂纂似纓絡。紆迴徑半遮。綠雨滋苔薄。

藤花小徑。

濃陰壓虛窗。長日暑堪避。午風時一吹。滿地落蒼翠。

清影軒。

小亭倚城角。遙望東來春。欲識此圖畫。曾經煮茗人。

市城圖畫之亭。

瘦竹編作牆。老桂立爲柱。聊羈野雲心。一避風與露。

鶴柴。

垂釣霜雪天。戴笠絲堪理。不知嚴子陵。披裘胡爲爾。

魚磯。

清絕疎雨聲。虛廊閒步屨。蘆花一例秋。好在芙蓉葉。

聽雨廊。

長橋臥流水。鷗鷺常與盟。時有坐觀者。愛聞撥刺聲。

梁小潭。

老梅紅淺沙。標格更清冷。夜深明月移。暗香逗波影。

梅嶼。

天香出園外。高聳青桂林。幾拳太湖石。迴似小山岑。桂巖

鼠姑倦倚闌。含情獨無語。暖風能醉人。何用酌芳醕。春暉

數椽關向東。掩映老榆下。淡然懷抱開。清吟自瀟灑。味遠

香光入冲澹。紅藕花滿池。窗前動涼思。垂柳綠絲絲。冲澹池館。

冬日晴逾佳。嘖嘖下茅屋。曝背向南窗。好攤周易讀。款冬書屋。

繆字楚南。一字客船。儂徵人。

聽竹

叢篁浮翠眼常青。最愛蕭騷動客聽。晚籟到窗吟處冷。秋聲滿院睡初醒。乍疑遠佩來搖曳。漸覺幽懷入杳冥。風靜莫嫌清韻減。一番疎雨更泠泠。

繆祖培字晴嵐。號敦川。泰州人。乾隆戊戌會試第一。著修月樓詩稿一卷。

春仲雨中登泰墩

一春花事付沉陰。強解愁懷上古岑。吳楚關河悲遠別。海天風雨入高吟。霧連大漠千帆暗。煙濕空林萬井深。倚醉凭欄時一嘯。欲隨鷗鷺證閒心。

李少白字晴川。儀徵學生員。所著有水南集。東海集。秋槎集。振山集。各一卷。

穀光菴

靈境隱招提。躋攀藉杖藜。不知仙界杳。祇覺下方低。竹引泉千道。巖登雲萬梯。何時謝塵鞅。來此結真棲。

紅橋修禊

池館都憑略。約通游船尾。尾御園東。織成簾影垂楊月。翦斷衣香燕子風。半斛澄泉分冷碧。一聲疎磬落空濛。蓬瀛道是神仙宅。曾否幽尋勝此中。

三潭石橋步月

月滿湖天湖水清。湖光不動湖煙生。石橋把酒對湖月。夜半露寒聞雁聲。

汪吉榮

字席玖。一字荔亭。儀徵人。

江上弔漁灣故址

白沙江上舊漁灣。風景蕭疎未盡刪。流水尙縈行客夢。野鷗曾伴使君閑。感深今昔惟枯樹。愁絕興衰是遠山。渺渺蒼葭人不見。滿船明月棹歌還。

任陳晉

字仕武。號石山。興化人。乾隆己未進士。徽州府教授。丁卯侍御大椿之祖也。

新安山行

絕磴穿巖腹。松深白日寒。祇疑三逕曲。不辨萬峯攢。樵負薪歸急。僧鋤藥未闌。官閒宜冷地。忘卻路行難。

朱 質 字二亭·江都布衣·

登岱四首

一綫清光萬仞梯。蒼蒼元氣見端倪。練飛下界乾坤小。天挂中峯日月低。封起白雲藏玉檢。澗流青髓瘞金泥。振衣直欲凌風去。閭闔無門咫尺迷。

炎漢嬴秦跡已空。瑤幢絳節擁珠宮。煙澄黛色分齊魯。松作濤聲挾雨風。苔蘚春濃碑篆綠。樓臺雲隱海雲紅。平生不盡登臨意。獨立層巒一嘯中。

微茫豈獨遠紅塵。呼吸真能達紫宸。萬壑霜鐘喧地籟。千巖暝色掛天紳。悲涼東海求仙侶。寂寞西川病渴人。欲向元君乞丹藥。桃花洞口樹長春。

新晴首夏景舒長。爛漫山花放海棠。絕磴迴車雙鳥健。陰崖倚杖袂衣涼。人疑化鶴來蓬島。樹自棲鷗接女牀。擬借石壇鋪枕簟。飽看初日躍扶桑。

唐

思字再可·江都人·紹祖季子·官雲南知縣·讀書學詩外·尤善騎射·劍槊·乾隆甲戌·援江明倒·試令雲南餘不籍百·居民恟懼欲竄·再可持矛躍馬·出謂衆曰·賊至·吾分與城俱死·君等即走·卒遇賊·恐亦不免·若能各持刀杖·示賊無懼心·彼或望而生疑·可不戰而却也·縱不幸而城破·我當先諸君奔敵·賊獲我則意消·諸君四散未晚·衆皆感奮從之·賊疑其有備·不敢進·由是州境得全·甲午歸里·乙巳卒年七十有一·著有鷓鴣集詩集若干卷·

琉球刀歌

客來滄海驚鷗鷺。蛟身龍骨寒光輶。斗室電掣天爲高。出鞘示我琉球刀。逼人鉅鐔明秋毫。腰圍屈曲縣於條。長蛇封豕會鬪麇。斑駁血污餘腥臊。風波萬里休怒號。皇華使者能賢勞。國家定鼎弓矢彘。六合烽息輸包茅。奸邪伏釜無騰逃。秦階武備陳干旄。敷文太史皆青袍。筆鋒鏘錯推名豪。

老官屯軍營作

貔貅萬衆樹功勳。破壘褰旗水陸分。牧馬汗嘶千帳月。戰船塵壓一江雲。諸蠻翹首生覓望。窮寇驚心怕鶴聞。大纛分明新部曲。旁人猶號故將軍。

留別騰越士民二首

老馬驕嘶力未頹。從戎幾度陟崔嵬。曾聞旌旆臨郊出。喜見梯航入貢來。霜角吹殘窮塞月。南雲歸擁舊春臺。青山笑我青錢少。政拙催科愧選才。十年宦蹟與誰論。贏得天涯抱病身。兩鬢未斑爲隱吏。一龕深閉作閑人。花開蒙詔風煙舊。春到江鄉雨露新。明月綠楊相憶否。廣陵濤上有垂綸。

